



護國寺

卷四十二
之四十五

ル 1
B176
12



門 1
號 3176
卷 134



海國圖志卷四十二

大西洋

佛蘭西國總記下

邵陽魏源輯

地球圖說佛蘭西國東界意大利國並瑞西國亞利曼
國南界地中海並大呂宋國西界大西洋海北界英吉
利荷蘭二國百姓約三千三百五十萬都城名巴勒城
城內之民九十萬大半宗天主教小半耶蘇教教民習
禮儀交接極殷勤其言語係歐羅巴之官音故列國官
長統識其語道光二十七年民叛國王逃避於英國國

海國圖志

卷四十二 大西洋

佛蘭西國

一

民又自專制不復立君矣國南土地膏腴天時和暢果穀極盛國之西北土地磽瘠草木難生國中多書院以習文武技藝又設養濟院以濟貧民有大江四卽羅尼江羅亞利江西利江伽倫江是也產紬緞葡萄酒香料酒磁器自鳴鐘時辰表洋絨布緜布呢羽毛麻布等貨地里備考曰佛蘭西國古名奧盧又名牙里亞在歐羅巴州之中北極出地四十二度二十分起至五十一度五分止經線自東五度五十六分起至西七度九分止東至巴敦蘇益薩薩爾的尼等國西統亞德蘭的海南

接地中海暨比里牛斯山北連滿沙海暨北爾日加國南北相距約二千二百五十里東西相去約二千零六十里地面積方約二十七萬里烟戶三京二兆口西北邱陵寥寥平原甚廣東南二方峰巒參天河之至長者二十有一湖之至大者則九西北溼寒東南燥暖田土皆饒生殖茂盛土產金銀銅鐵錫鉛水銀窩宅煤鹽信礬寶石鑽石白玉水晶花石石膏銀硃磁粉王位歷代皆男册立以長奉羅馬天主教者十之九奉別教者十之一外國寄寓所奉何教聽其自便工巧藝精匠肆

林立商賈輻輳原本國在昔爲塞爾達人所居漢元帝初被羅馬國征服迨羅馬衰又有北狄侵擾其地南方各部則爲維西哥多人所取西方各部則爲布爾給農人兼併其餘各部皆歸於發郎哥人齊高帝建元三年發郎哥首領戈羅維斯者既逐各狄遂據呀里亞國自立爲王建國號曰發郎薩卽佛郎機國所由名也天寶間嗣王被廢更立冢宰北北諾爲君傳及其子不惟通國盡歸掌握而且西方各地三分有其二焉宋太宗時王歿無嗣國人更立公爵武額加卑多者爲君傳至加

爾祿斯薨後絕嗣更立第三次非里卑之孫爲君于時英吉利國王有舅甥之親覬覦分封乃舉兵索地至其孫加爾祿斯王立干戈始息乾隆三十九年傳至第十六次盧義斯國勢大亂至乾隆五十七年乃裁革王爵更立會議官員辦理國務越七載又改立領事官三員其首領名那波良者因有弭亂除暴功將勇兵強平定國家嘉慶九年國人共立爲王嘉慶二十年與英吉利等國戰敗國人復立前王盧義斯者爲王及薨國人更立其弟加爾祿斯爲王在位九載因亂被廢道光十年

海國圖志 卷四十二
更立盧義斯非里卑爲王，後又兩立兩廢。道光二十七年，遂不立君，仍復舊制，立領事官。舊有三十三部，大小不等，今改八十六名，或以經流之河爲名，或以相近之山爲名，其序如左。

第一部 壹里亞德佛蘭薩，改爲五府，一名塞納府，乃本國都也。建於塞納河兩岸，宮第雄麗，庠序美奐，橋梁街衢之寬直，園亭之雅致，四時山水景色尤佳。製造精良，商賈雲集。

第二部 法郎德勒，名諾爾府。

第三部 亞爾多亞，名巴的加雷府。

第四部 比加爾的亞，名索美府。

第五部 諾爾滿的亞，改爲五府。

第六部

第七部 羅勒納，改爲四府。

第八部 賣內，改爲二府。

第九部 安如，名賣內羅亞府。

第十部 北勒達尼，改爲五府。

第十一部 波亞都，改爲三府。

第十二部、可尼、名下沙蘭德府、
第十三部、森當日昂姑木亞、名沙蘭德府、
第十四部、耳里亞內斯、改爲三府、
第十五部、都勒內、名音德勒羅府、
第十六部、北利、改爲二府、
第十七部、尼威爾內、名聶維勒府、
第十八部、布爾波內、名亞列爾府、
第十九部、馬爾世、名哥留斯府、
第二十部、黎木性、改爲二府、

第二十一部、科威爾內、改爲二府、
第二十二部、亞爾撒斯、改爲二府、
第二十三部、法郎師官德、改爲二府、
第二十四部、不爾科尼亞、改爲四府、
第二十五部、里科內、改爲二府、
第二十六部、德爾非內、改爲三府、
第二十七部、布羅溫薩、改爲四府、
第二十八部、耶給德、改爲八府、
第二十九部、佛亞、名亞利日府、

第三十部、盧西隆、名東北里、牛斯府、

第三十一部、馬耶內、改爲九府、

第三十二部、

第三十三部、哥爾塞牙、名哥爾塞牙府、其國通商衝繁之地、在內地大埠十七處、海濱馬頭十一處、除八十六府外、尚有所屬地方、在于各州之內、後釋其州、再爲詳明、

外國史略曰、佛蘭西國、古時亦山林之蠻夷、久漸向化、然性好勇、建屋不築城、惡其障蔽、拘禁也、戰勝則取敵

顛爲酒器、使奴婢務農、以羊牛乳酪爲生、衣其毛、女年將許嫁、則父母多招少年宴會、視女所愛者、以洗盤送之、卽定聘焉、其丈夫操女之生死、隨意可休妻、若女與人苟合、則其刑重、男誓報仇、然始嚴終怠、久亦漸踰禁矣、其教奉耶蘇、以爲天地之大主、不得以人之舍宇蔽之、故不建廟、每藁樹間、以爲神之居處也、人性猛烈、不肯安坐、好遠遊、擄掠于周安王時、侵羅馬國之地、爲所敗、後破希臘國、又結羣渡海、據英國之蘇各蘭島、今其島山內之頑民、皆其遺種也、佛蘭西之南方、人多爲商

往歲侵羅馬國之役其民盡出日耳曼列族乘虛內侵大獲勝而意大利者亦奪其北方之地是時羅馬國與佛蘭西相仇戰爭六十年奈羅馬之將軍名震海外佛國難與之抗因求和焉漢宣帝時羅馬至佛國立新埠且教其居民服教化遂變其土音皆習羅馬國之語垂二百年通貿易忽有中國東北方游牧之匈奴族類舉兵西向戮殺男女老幼而日耳曼又渡河據其國瓜分其地列土操權于唐元宗時回回人來侵佛國併力擊退于時佛國之大甲利王與弟共勵國政武勇勝敵迭

舉兵攻服未向化之撒遜回族使歸天主教是時意大利國內亂甲利王又率兵往取地大半又侵西班牙國擊退回族又與羅馬教主議再復羅馬西都之君號甲利王雖久歷戰場而好文教招賢講學賞功績尚名分智勇兩全為西海賢王薨後其子孫不能承先志互戰生釁絕日耳曼之好其爵士各據一方海賊亦入攻其城國勢日弱及元泰定四年因藩國酋長僭號佛君因滅五爵之權削其地由是釁隙復肇又與猶太國回教交戰數百年陣亡滿路傳至路義號第九王屢擊回回

始則被虜費十萬金自贖反國發憤修政再攻回回復疫作軍士多亡賴非立王與羅馬之教師盡力戰勝于是佛國之眾推非立王即位英吉利亦覬佛國之地連年攻戰獲勝遂入其都忽有佛國童女激勸軍士眾謂天助奮力驅敵英人乃退據海濱嗣路義第十二王亦好戰與日耳曼交戰被虜贖回是明正德十一年也萬曆二十六年顯理第十三王即位因國中克力斯頓之天主教與波羅斯特之耶蘇教不和爭戰乃示諭各居民崇拜上帝各隨所願民悅服戰息旋被弑順治元年

路義第十四王即位五爵敬服攻戰屢勝與鄰國連盟而英國爲盟主康熙五十四年路義第十五王即位乾隆三十八年路義第十六王即位皆不修政事國庫耗于妃妾乃議增餉以補國用民心不服正與歐羅巴列國交戰有將軍那波倫者佛國英雄也乘虛擅權百戰百勝威聲大震於嘉慶八年篡位稱尊號在諸國以上與英吉利西班牙波路斯峇羅斯等國戰無不勝于嘉慶十七年傾國往攻峇羅國長驅直入其都被火焚潰而退冰雪交侵飢殍滿路于是峇羅斯與破路斯國連

洋國圖志卷四十二
和合從以驅佛軍日耳曼國又乘其後又協英吉利東國等合攻佛國于是那波倫失位退居小島復糾其餘黨復國英人又合破路斯軍擊之那波倫敗降遂謫死於海島時嘉慶十九年也其舊王再卽位及道光十年眾又不悅作亂驅其君嗣王號曰路義非立至道光二十七年復廢遂不立國王佛國爲歐羅巴最美之邦西南兩際海西及西班牙海隅南及地中海東連日耳曼列國東南及瑞士意大利等國北及北義國北極出自四十二度四分至五十一度十分偏東自八度三分偏

西四度四分沿海無多港口南有黑雲海隅在西班牙及佛國之間西北必當海隅北有那耳曼海隅在地中海佛蘭西所屬之撒丁島名曰各西甲南流之羅尼河長五十二里兩岸豐盛西方之牙倫江長五十里羅亞利江長八十里其岸多葡萄西北有西尼河國都在馬日巴利臨瑞土地有白山爲眾山之冠高一千四百八十一丈尙有峯高六百丈在西班牙佛蘭西交界又有溜山高稍次之其北山則平坦四面環繞負山表海是以敵國難侵物產五穀僅足自給民嗜麪亦種葡萄最

濟國圖志 卷四十二
重于歐羅巴各國，遍地種葡萄，計二萬頃，所出之酒三萬五百斗，六分之一爲火酒，最美者爲紅葡萄酒，各國皆貴售之，計所產物，每年價銀萬四千四百萬圓，運出者約千六百萬圓，南方出橄欖油，最清貴，少林木，所需材料多購自異國，田畝計二十三萬頃，其中五十分種五穀，九分爲草場，四分葡萄埔，十四分林，一分果木蔬菜園，計銅鐵煤錫礦廠五百二十處，採礦者三萬人，南方出絲，不足給用，海中漁舟最繁，其民奉天主教，舊有齋戒之例，男女皆食魚，禁食肉，今則天主教稍息，而齋

戒者亦少，故魚之用，迥不如前矣，人多巧思，製造精妙，每年所造呢羽，計銀一萬零五百萬圓，運賣他國者，七百萬圓，其銅鐵器及時辰表尤妙，花紙有名，磁器亦珍重，皮靴鞋極佳，每年所造各物，約六萬萬圓，國中貿易，每年陸路萬五千萬圓，水路二萬三千萬圓，運進銀二萬三千萬圓，運出價銀二萬七千萬圓，每年進口本地船四千八百隻，外國船亦如之，漁舟萬五千隻，○城中學館最大，又民間小學二萬八千九百六十三所，學生計二百二十餘萬名，其大學院三百五十八所，學生三

萬三千名、會學院一百所、學士二萬三千六百名。佛國素稱知禮，他國皆就學焉。民謙和，喜舞蹈，性反覆機變，終日歌舞遊樂，男女佚蕩，軍士尙勇好戰，陸兵有名，水師則屢被英吉利荷蘭所敗。嘉慶年間，英國以戰艦封其海口，其船俱不能出，其民崇羅馬天主教，惟八分之一，守波羅士特正教。國中有大教主十四位，副教主六十六位，昔五爵及教主據田畝大半，百姓貧乏。後國大亂，驅殺五爵、教主、教師等皆出奔，產歿入官，雖那波倫王在位，再立新爵，亦僅存其名號，而權不如前矣。學

士能詩能文，晝夜勤誦，故各國有盟約誓辭，皆用佛國語。歐羅巴各國無不以佛國之字爲正宗，其內外醫科尤卓越，又精歷法，知天文，能讀漢字，造木板印書，所製造藥材，並各項料物，尤多新奇。自道光十年後，佛國王自操權，按國之義冊，會商爵士鄉紳以議國事，每年王宮所用之銀二百四十萬圓，世子每年俸銀二十萬圓，國之大臣如之，有司國璽之大臣，理兵部教門外國務之大臣，理水師藩屬地之大臣，理國內務之大臣，工務農商之大臣，文學大臣，司刑之官，千六百三十員，審獄

之司一千員，別有定商務擬斷之司，派兵弁之司，與中國無異。其公會必派國之大爵有名望者，百姓中每年納餉銀五千員以上者，推爲公會之鄉紳，預論國事，能言之士最多。佛國富民最驕，動自尊擅，屢結黨作亂，與他國肇衅，以路義非立王之賢，又募壯丁爲民之衛，而有財之民，莫能彈壓焉。其國庫入項，雖每年二萬五千六百三十萬員，而三年欠項共一萬四千萬員，其出項每年文官之祿，並工部教門教學等費五千二百八十有餘萬圓，軍士水軍六千五百萬圓，造橋路造礮建戰

艦千五百萬圓，納稅二千八百四十餘萬，所應交還之項，千二百二十五萬圓，計一年所費，過於所入者七百四十七萬圓。道光二十五年，更增兵數，共計五十四萬四千馬，八萬四千匹，堅城共一百七十八座，各有護兵。○郡縣城邑，廣袤方圓九千七百五十二里，分三十八郡，每部分府州縣，至城邑有居民五千者，共七百零九處，居民一萬者，共二百七十四處，居民一萬以上者，共四十九處，居民二萬者，共二十五處，居民二萬以上者，共四十三處，其都曰巴利城，居民九十萬，國有大事，皆

在議焉。外國來人繁多，城內旅館六百餘，旅客不下十萬。所用馬車共計二萬七千輛，每日寄出書信約七萬件，新聞紙八萬五千張，各印書三千名，呢羽匠千二百名，稅餉五百五十四萬圓，賭場之租百二十三萬圓，市租二十六萬圓，護兵萬五千丁，別有壯丁十二營，立仁義之院以施藥，共二十處，一處每年計收病人一萬，所藏古今書籍計八十萬冊，此皆國都以內之情形也。南方大邑曰利雲，在羅泥河濱，居民十五萬，工織絲綢，然驕不安分。地中海濱有馬悉利邑，居民十四萬六千，係

通商之大口，每年進船六千隻，有佛國水師船，築城立礮臺，以防範西方海邊。璞托邑居民九萬八千餘口，商賈雲集，運出之物多紅葡萄酒，埔頭甚富。路安邑居民九萬餘口，在西尼河濱，商船來往，縣布所出，南方土路士邑居民七萬七千，多好學，與西班牙國交界，難得邑居民七萬五千，每年出入之船計三四千，民善作鐵器。衙堡邑居民五萬七千，在來尼河日耳曼國界，堅城固壘，其城內禮拜堂塔最高，土民大半崇正教。利里邑居民七萬二千，在北方，亞面色居民四萬六千，在西北方。

尼墨邑在南方居民四萬三千密邑在東方最固之城
居民四萬二千甲音邑居民四萬聖以典邑居民四萬
羅米古邑昔時佛蘭西君在此卽位居民三萬八千阿
耳蘭邑在國之南居民四萬門必勒邑在南方無雨多
晴居民三萬五千安額邑民三萬五千九百林區邑在
西邊海居民三萬五千土倫邑大海口居民三萬四千
佛國戰艦皆泊此亞威雲邑居民三萬難西邑在意大
里交界居民三萬林匿邑居民三萬五千必勒邑海邊
最固之城也居民二萬九千比散孫邑居民二萬九千

在瑞西交界利摩義邑居民二萬九千威撒勒邑離其
國不遠城內有大殿多美園其君隨時所駐蹕也居民
二萬九千額那比利邑居民二萬九千布羅義邑在查
匿海邊城堅港廣爲佛國君往侵英國之要路甲來邑
與英國附近英人常據之居民二萬三千西泥港口可
通商居民二萬五千太益邑居民二萬五千地雲邑居
民二萬四千安額邑在海邊與北義交界堅固之城也
亞拉邑居民二萬三千哥西加島去撒丁島不遠方圓
一百七十八里其地多山產五穀居民畏勞往往缺食

島有十八邑其中四邑係海口五村五百六十鄉居民十八萬八千

瀛環志略云佛郎西自乾隆三十八年王路易第十六

一作盧義嗣立時華盛頓一作兀據亞墨利加起兵英

吉利攻之不克佛人以全軍助華盛頓英不能支遂與

華盛頓和而佛亦由是虛耗王好漁色內寵擅權擾民

民不能堪乾隆五十四年國大亂尋廢王弑之立領事

官三人攝王政以拿破侖為首一作拿破利翁拿破侖

者佛風將用兵如神征麥西有大功主忌之置散地國

人既弑王拿破侖乘勢鼓眾得大權嘉慶八年國人推

戴即王位恃其武略欲混一土宇繼羅馬之蹟滅荷蘭

廢西班牙取葡萄牙兼并意大利亞屬藩侵璉國圍其都城戰

割普魯士之半奪墨地利亞屬藩侵璉國圍其都城戰

勝攻取所向無敵諸國畏之如虎嘉慶十六年以大兵

伐我羅斯圍其舊都墨斯科我人燒之而走佛方旋師

而天驟寒軍士凍死者十七八諸國乘其敝也合力攻

之佛師大潰故所得土全失嘉慶二十年各國遣公使

會議於維耶納舉地利亞都城凡拿破侖所侵地各歸故主其

間有分析有合併立盟約不相吞噬拿破侖既敗喪慙
 而避位復立故王之裔路易一作盧義斯仍握兵柄嘉慶二
 十一年與英吉利戰於北境兵敗被擒英人流之荒島
 道光二年死路易即位數年卒弟查理立一作加爾祿斯愚戇
 不任事在位九年國人廢之擇立支屬賢者路易非立
一作盧義斯非里卑即今在位之王也以道光九年嗣立有賢聲
 佛郎西頗重讀書學優者超擢為美官其制宰相一人
 別立五爵公所又於紳士中擇四百五十九人立公局
 國有大政如刑賞征伐之類則令公所籌議事關稅餉

則令公局籌辦相無權宣傳王命而已國有額兵三十
 萬戰船大小二百九十隻水兵五萬船之大者載礮七
 十二門至一百二十門亦有火輪船數十隻巡駛地中
 海其俗人人喜武功軍興則意氣激揚面有矜色臨陣
 跳盪直前議不返顧前隊橫屍雜遝後隊仍繼進不已
 獲勝則舉國歡呼雖傷亡千萬人不恤但以崇國威全
 國體為幸其酋長沈鷲好謀知兵者多水戰陸戰之法
 無不講求又好用縱橫之術故與諸國交兵常十出而
 九勝

海國圖志 卷四十二
按佛郎西在歐羅巴諸國中傳世最久自哥羅味開基至今已千餘年中間雖迭遭變故而代立者皆其宗黨未滋他族未立女主較他國之奕棋置君者固有間矣立法駿厲賢君復六七作危而不亡殆有由也

歐羅巴用武之國以佛郎西爲最爭先處強不居人下偶有凌侮必思報復其民俗慷慨喜戰有小戎駟鐵之風其用兵也仗義執言不似諸國之專於牟利故千餘年中侮亂迭生而虎視泰西國勢未嘗替削

至拿破侖之百戰百勝終爲降虜則所謂兵不戢而自焚又可爲瀆武者之殷鑒矣

佛郎西屬地在別土者亦有數處如南印度之本地治利南亞墨利加之歪阿那亞非利加之阿爾及耳印度海之布爾奔得之不甚經營棄之亦不甚惜蓋不以此爲重也

歐羅巴各國皆以販海爲業如英吉利米利堅呂宋之屬每歲商船至中國多者百餘艘少亦三四十艘所販鬻者多綿花洋布粗重之物至如洋米胡椒蘇

木海參之類皆從東南洋轉販並非西產獨佛郎西商船最少多則三四艘少則一二艘入口之貨皆羽毛大呢鐘表諸珍貴之物蓋其國物產豐盈製作精巧葡萄酒大泥紬緞之類售之歐羅巴各國卽已利市十倍不必遠涉數萬里而謀生其航海而東來也意在於耀聲名不專於權子母國勢旣殊用意迥別其情勢可揣而知也

海國圖志目錄

大西洋歐羅巴洲各國

卷四十三

意大里國

一作意大里亞一作伊達里又名大秦國一作羅馬國今分爲九國

卷四十四

耶馬尼國上

一作熱爾馬尼一作日耳曼一作阿里曼共三十四部

卷四十五

耶馬尼國下

卷四十六

奧地利亞國即來澳之雙鷹又英夷地

附寒牙九部一作博厄美厄

波蘭國一作波羅尼

卷四十七

瑞士國一作大爾馬齊亞即來粵之藍旗與海北之瑞丁

卷四十八

北土魯機國與阿細亞洲內之南土魯機蓋一國分跨兩洲與俄羅斯相似

卷四十九

希臘國即古時額力西國故地亦作厄勒祭昔為土魯機所據今仍自為國○舊無今補

海國圖志卷四十三

歐羅巴人原撰

侯官林則徐譯

邵陽魏源重輯

大西洋歐羅巴洲

意大利亞國總記一作伊達里一作以他里又名

作那馬○案利馬竇即此國人始通中國自稱大
西洋人非今澳門之大西洋國也又案凡地名未
亞字阿字皆其餘聲可有可無故意大里亞一作
伊達里又如班那里阿一作寒牙里諸厄利亞即
英吉利印第亞即印度又如歐塞特里
阿一作歐塞特里故知尾聲皆可省

意大利亞歐羅巴中央之區西北一隅依阿利大山餘

三面皆濱地中海，四面受敵，亂世易招攻伐。其地上古無主統攝，各霸一方。嗣里渣赤之益喀爾西阿士王始并各部落爲一名曰羅馬國。一作那馬國方其盛強時航海攻服各國，厥後衰弱分爲九曰里渣赤、曰達士加呢、曰沙里尼阿、曰那勃爾士、曰馬領那、曰磨里那、曰納加、曰巴麻、曰依塞特里那，各自爲治，不相統屬，遂致先日羅汶之賀林宮署僅存基址。分國之後，事無統攝，皆才黠專政，盜賊蠭起，民無安業。其俗富貴之家嗜酒遊蕩，居處華侈，雖以佛蘭西之修飾廬舍，總不及意大利亞之

精也。九國皆奉加特力教，河道三底瑪河自阿比尼山發源，至里渣赤出海，長百五十里。波河之源發自葛底唵阿利大山，阿底赤河之源發自租利阿大山，谷兩水均至彌蘭匯合，同歸海，長各四百餘里。

貿易通志曰：意大利國自古以來化民成俗，與各國通商。西北大埠曰額那亞，所出口者爲橄欖油、米、柑、南果、鐵絲、紙、翦、絨、大采、緞等，入口貨如各國計價約八百萬員。其西方市埠曰里窩耳那，每年入口出口貨價千餘萬員。船千有七百九十三隻，又有那破里埠頭爲國之

別都戶口甚眾而人游惰故貿易不盛每年進口不過幾百萬員又其南方埠頭曰西齊里洲物產山積而政令不善故貨滯不銷此條補入

意大里亞國即古羅馬國東西南皆界地中海東北界土魯機北界奧地里加西北

佛蘭西九部落近各自主分爲九國原本

一里渣赤部東西南界海北界敏蘭先爲羅馬部落後自爲一國幅員萬四千二百方里戶二百六十萬口兵六七萬名賦稅銀八百六十萬員管小部落四十四俱奉加特力教產玻璃

一達斯加尼部東南北俱界里渣赤西界海先爲羅馬國部落後遂自主幅員七千九百二十方里戶百二十七萬五千口

小部落二十一俱奉加特力教產尼草帽

一沙里尼阿部東界彌蘭西界佛蘭西南界海北界綏沙蘭先爲羅馬國部

落後自爲一國幅員二萬七千六百四十三方里戶四百十萬五千餘口小部落三十有九并轄沙里尼阿島

小部落二十有一俱奉加特力教產銀銅水銀鉛又沙里尼阿島與里渣赤近領小部落二十產白礬硫磺

一那勃爾斯部東西南界海北界里渣赤先爲羅馬國部落後自爲

一國幅員四萬二千九百三十七方里，戶五百四十五萬餘口。小部落七十有六，并轄西里島。小部落二十有六，俱奉加特力教。產磁器。又西里島與那勃爾斯近，戶百七十二萬九千餘口。領小部落二十有六，俱奉加特力教。產銀銅鉛鐵硫黃麥香芄。所屬之糜那山產金。

一馬領那部，東北界都魯機，西南俱界海。先為羅馬國部落。後自為一國。幅員三千二百方里，戶五萬丁口。小部落十有七。俱奉加特力教。產翦絨大花緞素緞。

一磨里那部，東界里渣赤，西界巴臘，南界納加，北界彌蘭。先為羅馬國部落。

後自為一國。幅員千九百五十八方里，戶二萬七千口。小部落四，俱奉加特力教。

一納加部，東南俱界達斯加尼，西界海，北界磨里耶。先為羅馬國部落。後自為一國。幅員四百十三方里，戶十四萬五千口。小部落四，并轄戈西加島。小部落十三，俱奉加特力教。又戈西加島與達斯尼近，領小部落十三。

一巴麻部，東界磨里那，西界沙里尼阿，南界達斯加尼，北界彌蘭。先為羅馬國部落。後自為一國。幅員二千四百二十七方里，戶三萬口。小部落六，俱奉加特力教。

一伊塞特里那部，即摩那戈。東界都魯機，西先為羅馬國部落，後自為一國，戶六萬五千口，小部落六，俱奉加特力教。

意大里國沿革 原無今補

職方外紀意大里亞，在拂郎祭東南，南北度數自三十入至四十六，東西度數自二十九至四十三，周圍一萬五千里，三面環地中海，一面臨高山，名牙而白，又有亞伯尼諾山，橫界于中，地產豐厚，物力十全，四遠之人輻輳于此，舊日千有六百十六郡，其最大者曰羅馬，古為

總王之都 故又稱為羅瑪國 歐羅巴諸國皆臣服焉，城周百五十里，地有大渠，名曰地白里，穿出城外百里，以入於海，

四方商舶悉輸珍寶，駢集此渠，自古名賢多出，此地曾建一大殿，圓形寬大，壯麗無比，上為圓頂，悉用磚石，磚石之上復加鉛板，當瓦頂之正中，鑿空二丈餘，以透天光，顯其巧妙，供奉諸神于內，此殿至今二千餘年尚在也，即蘇升天之後，聖徒分走四方布教，中有二位，一伯多祿，一寶祿，皆至羅瑪都城，講論天主事理，人多信從，此二聖之後，又累有盛德之士，相繼闡明，至于總王公

斯瑞丁者，欽奉特虔，盡改前奉邪神之宇，為瞻禮諸聖人之殿，而更立他殿，以奉天主。至今存焉。教皇即居于此，以代天主在世布教。自伯多祿至今，千有六百餘年，相繼不絕。教皇皆不婚娶，永無世及之事。但憑盛德輔弼大臣，公推其一而立焉。歐羅巴列國之王，雖非其臣，然咸致敬，盡禮稱為聖父。神師認為代天主教之君也。凡有大事，莫決必請命焉。案此乃歐羅巴洲之總教皇也。其左右嘗簡列國才全德備，或即王侯至戚，五六十人，分領教事。此乃各國分主教化之法王也。此羅瑪城，奇觀甚多，聊舉數事，宰輔之家

有一名苑，中造流觴曲水，機巧異常，多有銅鑄各類禽鳥，遇機一發，自能鼓翼而鳴，各有本類之聲。西樂編簫最有巧音，然亦多假人工風力成音。此苑中有一編簫，但置水中，機動則鳴，其音甚妙。此外又有高大渾全之堂，外周盡鏤古來王者形像故事，爛然可觀。其內則空虛，可容幾人登躋，上下如一塔然。伯多祿聖人之殿，悉用精石製造，花素奇巧，寬大可容五六萬人。殿高處視在下之人如孩童然。城中有七山，其大者曰瑪山，人烟最稠密，第苦無泉，邇來造一高梁，長六十里，梁上立溝

接其遠山之水如通流河也。有水泉飲之其味與乳無異。汲之不竭蓄之不溢。近地曰羅肋多一聖殿。卽昔日聖母瑪利亞親身所居之室。此室舊在如德亞國。後爲回回竊據。天神凌空移至此地。越海七千餘里。國人欲致崇飾恐失其舊。因周其玉牆覆以大殿。今逢聖母誕日。行旅來朝者常至數萬人。儒略嘗親詣此殿。今已屹然鉅鎮矣。其西北爲勿搦祭亞。無國王世家共推一有功德者爲主。城建海中。有一種木爲椿。入水千萬年不腐。其上鋪石造室。復以磚石爲之。備極精美。城內街衢

俱是海。兩傍可通陸行。城中有艘二萬。又有一橋梁極闊。上列三街。俱有民居。間隔了不異城市。其高又可下度風帆。國人精于造舟。預庀物料。一舟指顧可成。他方重客。每至其處。閱視一兩時。其工已成。一巨舫可以航海者矣。所造玻璃最佳。甲于天下。有勿里諾湖。在山巔。從石峽瀉下。聲如迅雷。聞五十里。飛泉噴沫成珠。日光耀之。恍惚皆虹霓狀。有一異泉。出山石中。不拘何物墜於其內。半月便生石皮。周裹其物。又有沸泉。有溫泉。沸泉常沸。高丈餘。不可染指。投畜物于內。頃刻便可糜爛。

矣。溫泉，女子或浴或飲，不生育者育，能育者多乳，所產鐵鑛掘盡，踰二十五年復生。第在本土，任加火力，鐵終不鏽。之他所始鏽，其南爲納波里，地極豐厚，君長極多，有火山，晝夜出火，爆石彈射他方，恒至百里外。昔一名士欲窮其故，近其山，爲火燎死，後移一聖人遺蛻至本國，其害遂息。有一城名亞旣諾，聖人多瑪斯著陸錄，日亞者，生于此地。又地名哥生濟亞，有兩河，一河濯髮，則黃，濯絲則白。一河濯絲髮俱黑。其外有博藥業城，因多公學，名爲學問之母。昔有二大家爭爲奇事，一家造一

方塔，高出雲表，以爲無復可踰。一家亦建一塔，與前塔齊，第彼塔直聳，此則斜倚若傾。而今已歷數百年，未壞。直聳者，反將頽矣。又有城名把都亞，中有公堂，縱二百步，橫六十步，上爲樓，覆以鉛瓦，而中間不立一柱。又把兒瑪一堂，廣可馳馬，亦無一柱，惟以梁如人字相倚，尋丈至盈尺，皆然。上壓愈重，則下挺持愈堅也。從納波里至左里城，有石山相間，隔國人穴山以通道，長可四五里，廣可容兩車，對視則如明星。又有地出火，四周皆小山，山洞甚多，入內皆可療病。又各主一疾，如欲得汗者，

入某洞則汗至欲除溼者入某洞則溼去因有百洞遂
名曰一百所此皆意大利里亞屬國也其大者六國俱極
富庶西諺嘗曰羅瑪為聖勿撈祭亞為富彌郎為大那
坡里為華熱孛亞為高福楞察為整各有專書備論案此
古時疆域也今日則各自為國如福楞察即佛朗察熱
孛亞即耶瑪尼然則古時意大利里地居全洲之大半故
史以大秦國意大利里亞之名島有三一西齊里亞地極
豐厚俗稱曰國之倉之庫之魂皆美其富庶也亦有大
山噴火不絕百年前其火特異火燼直飛踰海達利未
亞境山四周多草木積雪不消常成晶石亦有沸泉如

醋物入便黑其國人最慧善談論西土稱為三舌人最
精天文造日晷法自此地始有巧工得大祿者造百鳥
自能飛即微如蠅蟲亦能飛更有天文師名亞而幾墨
得者有三絕嘗有敵國駕數百艘臨其島國人計無所
出已則鑄一巨鏡映日注射敵艘光照火發數百艘一
時燒盡又其王命造一航海極大之船舶成將下之海
計雖傾一國之力用牛馬駱駝千萬莫能運舟幾墨得
營運巧法第令王一舉手舟如山岳轉動須臾下海矣
又造一自動渾天儀十二重層層相間七政各有本動

海國圖志 卷四十三
凡日月五星列宿運行之遲疾一一與天無二其儀以
玻璃爲之重重可透視真希世珍也其傍近有馬爾島
不生毒物卽蛇蝎等皆不螫人毒物自外至至鳥輒死
一搬而地泥亞亦廣大生一草名搬而多泥人食之輒
笑死狀雖如笑中實楚也西諺凡謂無情之笑皆名搬
而多泥笑一哥而西加有三十三城所產犬能戰一犬
可當一騎故其國布陣一騎間一犬反有騎不如犬者
又近熱奴亞一雞島滿島皆雞自生自育不須人養又
絕非野雉之屬

明史意大里亞居大西洋中自古不通中國萬曆時其
國人利瑪竇至京師爲萬國全圖言天下有五大洲第
一曰亞細亞洲中凡百餘國而中國居其一第二曰歐
羅巴洲中凡七十餘國而意大里亞居其一第三曰利
未亞洲亦百餘國第四曰亞墨利加洲地更大以境土
相連分爲南北二洲最後得墨瓦臘尼加洲爲第五而
域中大地盡矣其說荒渺莫考然其國人充斥中土則
其地固有之不可誣也大都歐羅巴諸國悉奉天主耶
穌教而耶穌生於如德亞其國在亞細亞洲之中西行

教於歐羅巴其始生在漢哀帝元壽二年庚申閱一千五百八十一年至萬曆九年辛巳瑪竇始汎海九萬里抵廣州之香山澳其教遂沾染中土至二十九年入京師中官馬堂以其方物進獻自稱大西洋人禮部言會典止有西洋瑣里國無大西洋其真偽不可知又寄居二十年方行進貢則與遠方慕義特來獻琛者不同且其所貢天主及天主母圖既屬不經而所攜又有神仙骨諸物夫既稱神仙自能飛昇安得有骨則唐韓愈所謂凶穢之餘不宜入宮禁者也況此等方物未經臣部

譯驗徑行進獻則內臣混進之非與臣等溺職之罪俱有不容辭者及奉旨送部乃不赴部審譯而私寓僧舍臣等不知其何意但諸番朝貢例有回賜其使臣必有宴賞乞給賜冠帶還國勿令潛居兩京與中人交往別生事端不報八月又言臣等議令利瑪竇還國候命五月未賜綸音毋怪乎遠人之鬱病而思歸也察其情詞懇切真有不願上方錫予惟欲山棲野宿之意譬諸禽鹿久羈愈思長林豐草人情固然乞速為頒賜遣赴江西諸處聽其深山邃谷寄跡怡老亦不報已而帝嘉其

遠來假館授餐給賜優厚公卿以下重其人咸與晉接
瑪竇安之遂畱居不去以三十八年四月卒於京賜葬
西郭外其年十一月朔日食歷官推算多謬朝議將修
改明年五官正周子愚言大西洋歸化人龐迪我熊三
拔等深明歷法其所攜歷書有中國載籍所未及者當
令譯上以資採擇禮部侍郎翁正春等因請倣洪武初
設回回歷科之例令迪我等同測驗從之自瑪竇入中
國後其徒來益眾有王豐肅者居南京專以天主教惑
士大夫暨里巷小民間爲所誘禮部郎中徐如珂惡之

其徒又自誇風土人物遠勝中華如珂乃召兩人授以
筆劄令各書所記憶悉舛謬不相合乃倡議驅斥四十
四年與侍郎沈淮給事中晏文輝等合疏斥其邪說惑
眾且疑其爲佛郎機假託乞急行驅逐禮科給事中余
懋孳亦言自利瑪竇東來而中國復有天主之教乃畱
都王豐肅陽瑪諾等煽惑羣眾不下萬人朔望朝拜動
以千計夫通番左道並有禁今公然夜聚曉散一如白
蓮無爲諸教且往來壕鏡與澳中諸番通謀而所司不
爲遣斥國家禁令安在帝納其言至十二月令豐肅及

海國圖志卷四十三
三
迪我等俱遣赴廣東聽還本國命下久之遷延不行所
司亦不爲督發四十六年四月迪我等奏臣與先臣利
瑪竇等十餘人涉海九萬里觀光上國叨食大官十有
七年近南北參劾議行屏斥竊念臣等梵修學道尊奉
天主豈有邪謀敢墮惡業惟聖明垂憐候風便還國若
寄居海嶼愈滋猜疑乞并南都諸處陪臣一體寬假不
報乃怏怏而去豐肅尋變姓名復入南京行教如故朝
士莫能察也其國善製礮視西洋更巨既傳入內地華
人多效之而不能用天啟崇禎間東北用兵數召澳中

人入都會將士學習其人亦爲盡力崇禎時歷法益疏
舛禮部尙書徐光啟請令其徒羅雅谷湯若望等以其
國新法相參較開局纂修報可久之書成卽以崇禎元
年戊辰爲歷元名之曰崇禎歷書雖未頒行其法視大
統歷爲密識者有取焉其國人東來者大都聰明特達
之士意專行教不求祿利其所著書多華人所未道故
一時好異者咸尙之而士大夫如徐光啟李之藻輩首
好其說且爲潤色其文詞故其教驟興時著聲中土者
更有龍華民畢方濟艾如略鄧玉函諸人華民方濟如

略及熊三拔皆意大里亞國人，玉函熱而瑪尼國人，龐迪我依西把尼亞國人，陽瑪諾波爾都瓦國人，皆歐羅巴洲之國也。所言風俗物產，有職方外紀諸書在，故不具述。案鄧玉函耶馬尼人，龐迪我呂宋人，陽瑪諾布路亞人，譯音之殊。皇清四裔考意達里亞，在歐羅巴州南境，其地周萬五千里，三面環地中海，一面臨高山，土田饒沃，州郡繁多，其山川風俗政教，具詳職方外紀及明史。從古未通中國，明萬曆九年，有利瑪竇者，始泛海抵廣州，二十九年，遂入京師，中官馬堂以其方物進獻，嘉其遠來，給賜甚

厚，利瑪竇安之，遂留不去。嗣後來者益眾，皆祖述其說，略言天下有五大州，一曰亞細州，自中國至日本安南西域等國是也，二曰歐羅巴州，南至地中海，北至冰海，東至阿比河，西至大西洋，即利瑪竇所生本國也，三曰利未亞洲，南至大浪山，北至地中海，東至西紅海，西至阿則亞諾海是也，四曰亞墨利加洲，地分南北，中有一峽相連，峽南曰南亞墨利加，南起墨瓦蠟泥海峽，北至加納達峽，北曰北亞墨利加，南起加納達，北至冰海，東盡福海是也，五曰墨瓦蠟泥加洲，相傳歐羅巴屬之伊

西巴泥亞國王念地爲圓體，西往可以東歸，命其臣墨瓦蘭者往訪，沿亞墨利加東偏，展轉經年，忽得海峽，亘千餘里，以墨瓦蘭首開此區，遂卽其名，命曰墨瓦蠟泥加也。又盛誇天主之教，爲天地萬物主宰，時禮部侍郎沈灌給事中晏文輝等，斥其邪說，惑眾乞加驅逐。崇禎初，歷法疏舛，禮部尙書徐光啟請以其國新法相參校，開局纂修，報可，書成未用。會本朝建元，始採取其說，先後命西洋人湯若望、南懷仁等入爲欽天監官，先是欽天監按古法推算，康熙八年十二月，當置閏，南懷

仁言雨水爲正月中氣，是月二十九日值雨水，卽爲康熙九年之正月，不當閏，置閏當在明年二月，欽天監官多直懷仁言，乃改閏二月，並許自行其教，餘凡直隸各省開堂設教者，禁。康熙九年六月，國王遣使奉表，貢金剛石飾、金劍、金珀書箱、珊瑚樹、珊瑚珠、琥珀珠、伽南香、哆囉絨、象牙、犀角、乳香、蘇合香、丁香、金銀乳香、花露、花幔、花氈、大玻璃鏡等物。十七年八月，召見于太和殿，宴賚遣歸。五十六年，廣東碣石鎮總兵官陳昂疏言：「天主一教，各省開堂聚眾，在廣州城內外者尤多，加

以洋舶所匯同類招引恐滋事端乞循康熙八年例再行嚴禁毋使滋蔓從之五十七年兩廣總督楊琳疏言西洋人開堂設教其風未息請循康熙五十六年例再行禁止五十九年西洋人德里格以妄行陳奏獲罪從寬禁錮雍正元年恩詔釋德里格於獄時浙閩總督覺羅滿保疏言西洋于內地行教聞見漸淆請除送京効力人員外俱安置澳門其天主堂改爲公廨奏入得旨遠夷住居各省年久今令其遷移可給限半年委官照看毋使地方擾累沿途勞苦二年十二月兩

廣總督孔毓珣疏言西洋人先後來廣東者若盡送澳門安置濱海地窄難容亦無便舟歸國請令暫居廣州城天主堂內年壯願回者附洋舶歸國年老有疾不能歸者聽惟不許妄自行走衍倡教說其外府之天主堂悉撤爲公廨內地人民入其教者出之三年二月毓珣又言廣東香山澳有西洋人來居此二百餘年戶口日繁至三千餘丁邇來常從外洋造船回澳已及二十五艘請著爲定額毋許添置彼處頭目以瓜期來代者許留餘悉隨船歸國俱報可三年八月意達里亞國教化

王表謝 聖祖撫卹恩并賀 上登極貢方物使
臣歸國令齋 勅諭其王四年六月釋西洋人畢天
祥計有綱于獄初天祥等於康熙間以罪繫廣東獄及
是教化王伯納第多請援德里格之例釋天祥等從之
乾隆五十年十月奉 諭前因西洋人巴亞里央等
私入內地傳教經湖廣省查拿究出直隸山東山西陝
西四川等省俱有私自傳教之犯業據刑部審擬永遠
監禁第思此等人犯不過意在傳教尙無別項不法情
事且究係外夷未諳國法若永禁囹圄情殊可憫俱著

加恩釋放交京城天主堂安分居住如情願回洋者著
該部派司員押送回粵示柔遠至意傳聞意達里亞旁
有八九國西洋艾儒略爲職方外紀道諸國山川風俗
略言由意達里亞東行爲厄勒祭亞當歐羅巴極南境
東北有羅瑪尼亞由厄勒祭亞東行爲翁加里亞由
翁加里亞東北行爲波羅泥亞由波羅尼亞東行爲莫
斯哥未亞此五國皆在意達里亞東境其在西北境者
有四大國曰大尼亞曰諾爾勿惹曰雪際亞曰鄂底亞
此四國與熱爾瑪尼亞相隔一海套道阻難行西史稱

爲別一天下其南夏至日長六十九刻其中長八十二刻其北夏至日輪橫行地面半年爲一晝夜蓋意達里亞南際地中海而四國則北際冰海云西洋去中國水程八萬里其道由地中海西出大洋南行過福島東南行泛利未亞海過大浪山折而東行過西南海東北行過小西洋又東行至呂宋入廣東境遠泛重洋傾誠慕義錫賚之典亦不與他國同

萬國地里全圖集曰以他里國卽意大里亞乃歐羅巴洲精華腹地也天氣不冷不熱花芽早出林香撲鼻遍地古蹟想見往昔熙皞之遺今則中邦羅馬爲教皇所據而國王偏處東方惟北地尙歸東國管理其中邦與南邦則分屬列君各自主其地其土大半豐盛饒五穀橄欖橙柑橡栗等實中間一帶高山然其谷如園圃焉無所不產北極出三十六度四十分至四十八度偏東自六度至十四度廣袤圓方三十五萬一千方里其居民纖身好詩歌畫像刻雕各務其女之眼光妖冶不好廉節居民好逸憚勞有怨敵皆不明攻而但暗報崇天主加特力教產絲甲於全洲每年所出絲價銀三千六

百萬兩，遍地栽葡萄樹釀酒，英國所運進造織之物，每年價銀二千四百萬兩，所出者三百有餘萬兩，佛國運出入之物，大概千有百萬兩，其列國皆服專主，並不知自主之名，最管束百姓者，乃東國官憲，其外小君皆效其辦法，又不許百姓得知機密，是以其五爵無事，只得逸樂，早進天主堂聽僧念經拜像，遂回家遊玩，與女人敘談笑論，如此終生度日，其農安分勤勞不怨。○所屬列國陳如左：一日羅馬教皇之地，此乃以他里國中都會也，居民二百六十八萬人，國餉銀每年九百三十萬

員，地雖褊小，名及四海，古今無不聞之。在周朝闢初，建羅馬城之際，僅若小鄉，歷二百年，惟農是務，其國最微，與夷蠻等，因羅馬民敢作敢為，百攻百勝，如此以他里全地，漸次皆服羅馬，鄰國聞名，於是國王嚴正持法，力能奮武，南北東西，無不攻服。於漢朝年間，其地衰延，自葡萄亞拂郎祭各西域，遍服一主，而萬國景仰矣。其將軍不論何處獲勝，即扶良除暴，立律法，所有話音，達於西國，今日如葡萄亞，是班亞，佛蘭西，英吉利等之音，皆原于羅馬國，是時普天下變化從風，其後帝君縱欲妄

行國家危變三軍弄權隨意立主國衰政弱于是東方
游牧野蠻一齊攻界羅馬古時勇兵挫銳外夷雲集亂
擊分國爲兩邦東西各一其東者迨及明憲宗年間又
被土耳其基國強服其西國不久於北宋順帝之時爲西
夷侵取羅京盡行虜掠國歸夷主凡羅馬昔時所造之
殿廟所存之古蹟盡皆拆毀文藝並廢書冊焚蕩駢羅
馬之教師乘機布異端以管束其蠻令崇其道由此加
特力教興焉卽是藉福音之理以人意傳會參之其教
師遂操國權自後愈加力能占據地方號曰教皇自此

以後嚴諭凜奉天主之教各君王如不服順卽出禁諭
斷絕往來不准百姓仍遵其主明朝年間西國多歸一
道自除異端是以教皇之權大替今尙執其地業推廣
異端遇有沒時其大教主集會公擇教皇續其大統所
取之皇多係老邁惟執法從事故其政令與其國制不
變常如山川焉其國都亦稱爲羅馬內有前代之古蹟
與現今所蓋之天主殿堂街道宏整遠客至城者視之
若遊仙山城內僧多如蟻各仰教皇俸祿由外國到之
祭司亦不少又隨時有別國之信士赴羅馬焚香而拜

海國圖志卷四十三
偶像其居民一千五十萬無德行無豪氣並不超眾也
波羅幾那古城恒執其義並不悅服其教皇而固執其
自主之理至羅地之農大半不甚勤力尙有曠野其山
內多藏伏賊攻害旅客事露卽逃天主堂亦不能按例
究辦觀此則意大里國教皇爲加特力教之主各國奉
加特力教者宗之而英吉利等國奉波羅士特教
者不宗以他里內各地一曰米蘭部在波蘭河濱四圍
山水最美其廟拜天主教聖人之像長四十五丈闊二
十七丈高三十三丈其巨廟臺令各國旅客所景仰居
民十五萬丁尙所有之大部落曰伯儀有居民三萬丁

曰額摩那有民二萬六千曰曼土亞其城甚堅屢與異
軍交戰雖久圍之不能服曰罷味亞有民二萬一千曰
羅地有民萬八千地方豐盛○非匿城在以他里之東
北方其省會同名古時此城爲地中海最大之海口千
有餘年旣富且強屢與大國接戰其後五爵漸衰百姓
愚懦隣國攻圍舉手而得之今尙存古時高威之古蹟
殿廟甚壯麗其城建立於澤地各街夾溝人不駕車而
駛船往來橋尤高壯居民十萬零一千丁近日通商甚
小巴士亞城有大文學院其內三百儒務文藝居民五

萬丁、味羅那邑居民五萬五千丁、味普撒邑居民三萬丁、蕪地那邑萬八千丁。○兩部擇其尊貴紳士會議國政而請東國帝君准行之。所云東國帝君蓋以他里尙有國王居于東部爲列部之共主猶春秋之東周天王也。其故都羅馬則屬于教皇。

又曰突加那地極美各國慕其豐盛獨立無二北撒乃古城昔興今衰其居民十一萬丁漸消存二萬里窩那城係其地之海口商船所集巴馬地被東國女主所管昔係佛蘭西國王那波利稔之后現據此地辦其政令

而別嫁夫也。

又曰撒丁國分四分曰辟門曰熱那亞曰撒歪曰撒丁島合爲一國皆其王所轄居民共三百八十三萬丁其王都曰士林有好殿堂民所稱美辟門多山地其民全資外國營生熱那亞在廣海隅昔爲地中海濱之公市守口兵船甚盛今則衰廢獨存其官署而已撒丁島廣袤居民粗魯帶刀游牧悍不遵法故開道路以通交易而便往來。

又曰那波利國在以他里之南方與西治里島合爲一

國居民五百萬丁，其都城同名，屋宇高大，殿廟整肅，其乞丐結黨，滋擾良民，繞城皆高山，洞壑奇秀，又有火峯，烟燄冲天，有時亦發熱，石撒空，有時灰塵蓋地，有時火漿流出，盡燒草木，有古城兩座，被灰掩蔽，兼屢次地震，然其地肥饒，無所不產。○西治里島，長五百四十里，闊四百五十里，居民百有十七萬丁，田宜五穀，出甘酒，亦以火峰爲患，政令不仁，僧寺弄權，五爵暴民，故國富而民貧，其都城曰巴勒摩，其埔頭曰黑西那。○西南馬里他島，居民勤耕，人戶稠密，昔爲回回所服，有驍將劄住。

禦防全島，嘉慶年間，佛蘭西將軍誘其驍將舉島投降，於是英國又以戰船攻取之，而調兵嚴守，以爲地中海戰艦之港口。

地球圖說以大利國東界亞得利亞海，南界地中海，西界地中海，并佛蘭西，北界瑞西國，并阿士氏拉國，百姓約有二千一百七十萬，羅馬城內民十五萬五千，猶太教少，天主教眾，蓋昔年天主教皇生於羅馬，自稱西門彼得羅，爲耶穌十二門徒之首，嗣後承其職者，涉於矜張，夫耶穌之教曰：凡欲爲長，宜爲人役，凡欲爲首，宜爲

人僕何與此教之不符也是以天主教祈禱不藉神子而追古賢之功守真神之誠拜各賢之遺容迄今教皇歿羣教主必會集公舉別立教皇以承大統故無論城鄉野僻悉立馬利亞之像以便禮拜其民甚聰明善圖繪雕刻物類國內有高山名亞閉尼火山名非蘇未由自一千八百年以前是山發焰並有火漿灰土將二城掩沒國王發帑開掘尚未完工又一城名除那亞即昔年能覓美理駕之大洲國之形勢斜伸入海似人股著靴之形天氣輕寒輕暖土壤膏沃花果極蕃內有二大

江即波江第巴江也近數百年來分裂多國一曰羅馬即天主教首自主之國二曰第尼亞三曰波斯利又名雙細歷

此二國各自立君四曰狼罷地五曰塔斯加尼六曰拍馬七曰摩地那八曰鹿駕均為阿士氏拉國所屬產橄欖油橙柑椽栗百果麥葡萄酒并一切造織之物再南有三島

地里備考曰意大利國在歐羅巴州南北極出地三十七度起至四十七度止經線四度起至十六度止東西南三面皆地中海北連蘇益薩奧斯的里亞二國長約三千里寬約千四百里地面積方十五萬一千八百二

十里、煙戶二京、一兆四億口、岡陵平原相間、地氣溫和、
四季時若、河長者曰波河、湖至大者曰加爾達湖、土沃
產蕃、百工技藝皆備、丹青音樂、甲於通州、分十有三國、
或王、或公、或侯、或民首、或教宗、名位不一、所奉之教、乃
羅馬天主教、其額力西國教、暨路得羅加爾威諾二
修教、奉之者鮮、羅馬國人自古創建邦基後、甲于天
下、耶蘇降生後、四百年間、始有夷狄侵擾、本國占據三
百餘載、至佛蘭西取之、合爲一國、厥後佛蘭西勢衰、本
國人仍分析其地、各建邦國、不相統屬、眾君之中有伯

稜日爾者、乘其強力、漸服諸酋、各國盡歸掌握、嗣因暴
虐無道、國人于後晉開運二年、共議廢之、而奉亞里曼
國汗爲主、此後外攻內亂、紛紛不一、其先受轄於人、後
則自操於己、始則本爲一君、繼則改爲列君、此乃本國
數百年之事也、嘉慶十年、佛蘭西國君那波良者、復克
其地、自王其國、再越十載、各國公使齊集維耶納地方
會議、將本國分爲十三國、大小不等、其中有屬於別國
者、有不屬於別國者、其屬於別國者、則西一倫巴爾多
威尼、一德西魯、一哥爾多、一馬爾達、以上四國、前三國

分屬于奧斯的里亞蘇益薩佛蘭西三國其後一國屬于英吉利國其不屬別國者則九別序如左
其一薩爾的尼國東連各國西連佛蘭西國南界地中海北接瑞西國長九百里寬七百三十里地面積方四萬一千九百四十里煙戶四兆三億口王位世襲通國分十部一都靈部乃本國都也
其二巴爾馬國寬袤皆二百里地面積方二千六百里煙戶四億四萬口公爵世襲通國分五府一巴爾馬府乃本國都也

其三摩德那國長三百里寬一百四十里地面積方二千二百六十里煙戶三億八萬口公爵世襲通國分爲四府一摩德那府乃本國都也
其四盧加國長九十里寬五十里地面積方五百六十里煙戶一億四萬三千口公爵世襲國分十二邑盧加乃本國都也
其五摩納哥國周圍四方皆爲薩爾的尼亞國包括長三十五里寬二十里地面積方六十里煙戶六千五百口侯爵世襲摩納哥乃本國都也

其六聖馬里弱國，周圍四方，皆爲羅馬國包括，地面積方約有五十里，煙戶四千五百口，不設君位，國人自立官理務，首處亦名聖馬里弱，建於山上。

其七多斯加納國，東至羅馬國，西南連地中海，北接盧加摩德那羅馬三國，長四百五十里，寬三百五十里，地面積方九千五百里，煙戶一兆二億七萬五千口，公爵世襲，通國分五部，一名佛羅稜薩，建于亞爾諾河岸，乃本國都也。

其八教宗國，卽羅馬都城也，東至貳西里亞國，西連多

斯加納摩德那二國，南枕地中海，北界洲中海，長九百五十里，寬四百七十里，地面積方二萬二千四百里，煙戶二兆五億九萬口，教宗管轄，歷代相傳，遞嬗繼立，通國分二十一部，一名羅馬，建於的北黎河岸，乃本國都也，廟堂壯麗，至若首堂，華絕無比，凡天下萬方丹青畫圖珍寶奇觀靡不畢集其中。

其九曰西里亞國，西連羅馬國，東南枕地中海，北界州中海，暨羅馬國，其地分而爲二，一名那不勒斯，長六百四十里，寬五百八十里，地面積方四萬一千九十里，一

名西西里亞長約六百餘里寬約三百六十餘里地面積方一萬四千二百七十里煙戶共計七兆四億二萬口王位世襲通國分二十一部一名那不勒斯建於塞卑多河右在維蘇威約包西里波二山之間乃本國都也風景幽雅可稱名勝其維蘇威約山頂出火晝夜不息餘十三部皆在那不勒斯地發羅河右其加達尼亞部亦有火山曰挨德納山乃歐羅巴州中至大之火山也又七部皆在西西里亞島發羅河左其國通商衝繁之地內外不一或在海邊或在內地

瀛環志略曰羅馬國一稱教宗國古羅馬舊都也當全盛時文物聲名爲西洋第一大會至劉宋時爲北狄峩特族所據故王宮闕大半殘毀書冊舊典亦掃蕩無遺由是民變夷俗天主教自東漢時傳播西土羅馬人崇信尤篤故國旣爲狄所據天主教之徒乘機招誘黨羽日繁大權歸其掌握佛郎西旣滅峩特族遂以其地歸天主教師號曰教主教主歿則大會各教主簽議推老成者一人嗣位略如前後藏喇嘛坐牀之俗其教傳布各國有不遵者輒挑釁構兵夷滅之或教其民叛主

佛郎西之創霸也。教王爲之加冕，英吉利北族之起兵也。請於教王，教王封以英土，其權如此。所據羅馬都城古蹟最多，天主教堂極崇宏，入教之徒各食教王俸，楮別國祭司。禮拜主事者遠方信士焚香禮拜，踵相接也。天主之外所崇奉者，耶蘇之母馬氏，稱爲天后，籲禱尤虔。其民情於農事野多曠土，山內多藏寇盜，捕急則逃入天主堂，無復過問者。

後漢書大秦國一名犁鞬，以在海西。北海指地中海亦云海西國所居城邑，周圍百餘里，置三十六將，皆會議國。

事其王無有常人，皆簡立賢者，其人民皆長大平正，有類中國，故謂之大秦。與安息即波斯天竺即印度交市於海中，其王常欲通使於漢，爲安息遮遏，不得自達。至桓帝延熹九年，大秦王安敦遣使自日南徼外，獻象牙犀角瑇瑁，始乃一通焉。云考之泰西人所紀載羅馬都城最大，與漢書周圍百餘里之說相合。又羅馬自帑馬七世後，不立國王，選賢者居高爵，立公會以治事，與漢書王無常人，簡立賢者之說相合。漢成帝二年，唯大屋踐王位，仍世及，漢書所云，乃其往。

事又漢順帝十二年王安敦嗣位號為中興與漢書延熹九年大秦王安敦遣使入貢之說年代名氏均相合則意大里之為大秦無可疑矣意大里在兩漢時歐羅巴一土隸幅員者十七八故大秦之外別無海西部落之名見於范書惟安敦之入貢由日南徼外其為航海東來可想而知然則謂歐羅巴諸國明以前未通中國者殆不其然惟市舶之聚於粵東則自前明始耳唐宋以來皆以拂菻為大秦不知拂菻乃大秦東鄙屬部猶之稱浩罕為安集延也然自宋以後拂菻為回部所據并不屬大秦中國不知其原委故因仍不改耳

海國圖志卷四十四

歐羅巴人原撰

侯官林則徐譯

大西洋歐羅巴洲

邵陽魏源重輯

耶馬尼總記上

一作熱爾瑪尼一作者爾麻尼一作亞勒馬尼一作亞墨尼一作日耳曼一作阿理曼一作亞咩里隔

耶馬尼舊轄大小部落三十有奇為歐羅巴洲鉅國于諸蠻中最強當意大里亞攻取佛蘭西大呂宋時耶馬尼遣其三臣將兵乘意大里亞之空虛往侵無所獲至

耶蘇紀年五百之時漢明帝永元二年所屬塞循之人取得英吉利島創建部落又所屬覽麻之人取得意大里亞部落又所屬挽特爾斯之人取得大呂宋又所屬佛郎斯希魯里麥晏奄斯之人取得佛蘭西數部落當日盛強震于海國然所轄部落塞循最蠻常行反側征討不息其後國勢浸衰佛蘭西意大里亞各部背叛而去即本國舊部若磨希彌阿亦自稱曰王麻洼里阿塞循墨蘭領麥哈那洼四部自稱曰祿臘引自稱曰巴臘達引敏斯特里威司戈祿尼三部自稱曰靡宿耶馬尼之國遂

分爲九各自專制厥後九國統歸塞循管轄塞循不保始爲佛朗戈尼阿所奪繼又爲麻洼里阿所奪至于三百年間麻洼里阿不保又爲歐塞特里國所奪嗣以各部羣起改遵波羅特士頓教奧地里加國之王用兵禁止不聽故溫多里奮勇之人夷語曰溫多里等在利塞之地交鋒三十載奧地里加國不克制服各部落遂得改教歐塞特里僅有統轄耶馬尼之虛各至千八百年嘉慶五年間又爲普魯社所奪各部落不服普魯社統轄旋仍自立首領各長其地各子其民不相統屬共二十五部惟各部落

之首領於每年咸集歐塞特里國會議一次申明約束
毋相殘害各部中遇有大事亦至奧地里加國會議故
猶稱奧大利亞為上國以上原本

耶馬尼分國一

麻洼里阿本耶馬尼部落也值耶馬尼之衰遂與諸部
背叛疆分爲九自是以後強者王弱者臣始推塞循爲
盟主各部咸聽其號令繼屬佛朗戈尼阿旋歸麻洼里
阿至耶蘇紀年千有三百時元成宗大德四年又屬于奧地里
加國維時麻洼里阿僅存本有舊部而已近百餘年前

始奪得臘引之數小部並魯魯社之唵斯巴泊彌魯刺
兩小部故至今尙稱麻洼里阿爲強國政事設立兩麻
占一爲總領大官大教師辦事之處一爲首領教師辦
事之處首領教師並管理文學館技藝館又每七千戶
立一頭目議事其王每屆三年聚集兩占麻之人及各
處頭目議事一次除防守及蘭威兵未載數目外額設
步兵三萬六千五百六十六名馬兵六千四百零八名
大礮手三千三百五十七名其兵自十九歲以至三十
歲者充伍原本

貿易通志曰日爾曼國其國被列君分治民雅好交不
勤商務產銅鐵麻布五穀酒羊皮玻璃自鳴鐘北方港
口曰翰堡其進口出口之貨計價七千一百五十萬員
道光十二年入口船千八百九十六隻其南沿江之城
曰比里敏進口船千百餘隻所載入者皆南洋印度之

此條
物補入

麻注里阿東南俱界奧地里加國西疆域平蕪城邑華

麗幅員二萬九千四百六十四方里戶三百三十一萬
五千口領小部落七十三俗奉加特力教者二千一百

六十萬人波羅特士頓教者千四百四十萬人餘俱尊
奉由教產鹽鐵木玻璃酒紙烏鎗黃銅時辰表紅銅器
金線銀線

耶馬尼分國二

塞循亦耶馬尼舊部也其人強蠻樂鬪外奪英吉利內
叛本國與其王家兵戈不息值本國衰弱偕諸部羣起
背叛各擅號令嗣又恃其盛強并脅諸部後為佛郎歌
尼阿所奪遞傳至歐塞特里阿統轄時番眾競改教門
歐塞特里阿王以兵禁止終不能制各部落既改教塞

循日漸衰敗非特不能保護諸部，即後得波蘭所屬之數小部亦旋失去。千八百一十三年嘉慶十八年，尚設兵三萬七千，近兵僅滿萬。

塞循東北界普魯社，南界奧地，里加國，西界哈爾領麥，平坦饒沃，幅員七千四

百六十四方里，戶百有十九萬二千六百四十六口，領

小部落十有六，俗奉波羅特士頓教，產銀銅鐵鉛紙袞

裝布呢布帽襪磁器。

耶馬尼分國三今屬英吉利

哈那洼，南隅多山，國都在中央沙漠之地，昔亦耶馬尼

之部落，以塞循諸處背叛，遂亦自為一國，百餘年前既屬英吉利管轄矣。其國設立底表第官名百員，管理各部落之事，如遇改易規條，增減稅餉，齊集會議，額設步兵八千八百二十七，騎兵四千一百十三，蘭威兵萬有八千。

哈那洼東界普魯社，西界尼達蘭，南界威塞華里阿，北界海濱，海膏腴，幅員萬四

千八百六十七方里，戶百三十萬五千三百五十口，領

小部落四十有六，俗奉波羅特士頓教，產銅鐵紅銅白

鉛鹽布穀木。

耶馬尼分國四

注鼎麥

東界麻注里阿西界麻領南界奧地里加國北界麻領

西有大山餘皆平

曠昔為耶馬尼國中最美之部落後值耶馬尼衰弱遂與塞循諸部各自擅命其王住劄什得額設立占麻二一各官辦事之處一聚集議事之所每二年會議一次額設步兵萬騎兵三千六百大礮手二千五百幅員七千七百六十九方里戶百三十九萬五千四百六十二口領小部落十有七俗奉波羅特士頓教產穀酒畜牲木布鹽

耶馬尼分國五

麻領

東界注鼎麥西界佛蘭西南界綏沙蘭北界麻注里阿

彈丸小部落耳昔亦

耶馬尼所屬與塞循諸部同時分國額設兵丁萬蘭威阿兵萬蘭斯端兵十萬地不甚平而極膏沃幅員五千七百七十七方里戶百萬有三千六百三十口領小部落十有七俗奉波羅特士頓教產銀銅鐵鹽穀麥布苾麻牲畜自鳴鐘

耶馬尼分國六

三部同處

希西加司部東界麻注里阿西界威塞華里阿南界希

西覽斯達與希西覽斯達為兄弟之國，俱彈丸小區耳。濱臘引河，北岸屬希西加司，南岸屬希西覽斯達，中隔一河，聯以橋梁。希西加司有新舊二部，舊城蕃庶，新城華麗，昔屬耶瑪尼，後以塞循諸部背叛，遂亦自主，設奈伊立多以自理事，額萬有八千，山林深密，幅員四千二百七十三方里，戶五十三萬八千七百七十三口，領小部落十有四，俗奉波羅特士頓教，產銀銅鐵穀苧麻。

希西含麥部，在希西覽斯達域內，幅員百六十方里，戶萬八千八百七十口，獨部落。案凡所屬別無小部落者，謂之獨部落，猶中國無屬

縣之直隸 俗奉波羅特士頓教，先為耶瑪尼之部落，後自設突支以治。

希西覽斯達部，東北俱界希西加斯，爾西南俱界那肖，在臘引河南岸，部

落蕃麗，昔屬耶瑪尼，後亦設額蘭突支以自主，額兵九千，饒沃多山林，幅員四千二百七十三方里，戶六十一萬九千四百七十口，領小部落五，俗奉波羅特士頓教，產銅鐵苧麻鹽烟麥。

耶馬尼分國七

色西威麻，東界哈爾領麥，西界普魯社，南界魯那爾斯達，北界普魯社，土瘠而勤力。

作幅員千四百二十七方里，戶二十萬一千口，領小部落二，俗奉波羅特士頓教，先屬耶瑪尼，後自爲國，產羊毛。

耶馬尼分國八二部同處

墨幾領麥塞追司，東界斯特里司，西界領墨，南界普魯社，北界海。在耶馬尼北隅，中有伊彌河，西岸塞追斯，東岸斯特力司，昔屬耶瑪尼，自與各處背叛，即設額蘭突支，以理政事，疆域稍闊，以塞追司爲首部落，衢巷華麗，湖景映帶，其山多樹，而耕種歉薄，幅員四千六百五十五方里，戶四十五萬八

千三百七十八口，領小部落十有五，俗奉波羅特士頓教，又有脈幾領麥斯特里司，東南俱界普魯社，西界塞追司，北界海。在伊彌河東岸，先屬耶瑪尼，後設額蘭突支以自治，斯特里司，其首部也，僅如大村市，居民萬人，聞先日有二女，曾嫁英吉利國王，瀕湖多樹，耕種薄收，幅員七百六十方里，戶七萬一千七百六十九口，領小部落四，俗奉波羅特士頓教。

耶馬尼分國九

哈爾領麥，東西南俱界哈那，北界海。在耶馬尼之北，卑溼多蘆葦，

幅員二千二百五十二方里，戶二十一萬七千七百六十九口，先屬耶瑪尼，後亦設祿以自主，領小部落七，俗奉加特力教。

耶馬尼分國十

那肖，東南俱界希西覽斯，達西北俱界臘引。地多大山，瀕緬河，幅員二千

二百八十八方里，戶三十萬二千七百六十九口，先屬耶瑪尼，後亦設祿以自主，領小部落四，俗奉加特力教，產壳酒。

耶馬尼分國十一

塞西俄達，東界魯那爾斯達，西界希西加司，壤沃市，穡爾南界麻注里阿，北界魯魯社。本耶瑪尼所奪普魯社之邊地也，自與各部落叛後，即

設祿以自主，幅員千一百六十三方里，戶十八萬三千六百八十二口，俗奉波羅特士頓教，富而好文學，設有書館，藏書六萬卷。

耶馬尼分國十二

色西各墨，東南俱界麻注里阿，西界敏領王，北界魯那爾斯達。山野平曠，有寶礦，幅員五百五十七方里，戶八萬有十二口，獨部落，俗奉波羅特士頓教，先屬耶馬尼，後亦設祿以自主，茲祿之

子爲彌爾尼壬之王

耶馬尼分國十三

塞西敏領壬東界各麥西界希西加司南界麻洼里阿北界威麻彈丸小區分爲

兩部落塞西加斯爾幅員四百三十方里戶二萬九千

七百口兩部共轄于一王以色西敏領壬爲王居俗奉

波羅特士頓教境內有沙爾孫凝大山產鹽煤鐵礦

耶馬尼分國十四三部同處

菴哈爾特肖四圍俱界都臨幾阿與菴哈爾曼麥菴哈爾各凌同

屬一區濱臨伊爾敏河間于塞循麻洼里阿之間幅員

三百六十方里戶五萬二千九百四十口獨部落俗奉

波羅特士頓教舊屬耶瑪尼之部落近亦設祿以自主

國雖褊小曾產名人

菴哈爾曼麥四圍俱界都臨幾阿幅員三百三十九方里戶三萬

七千有四十六口獨部落俗奉波羅特士頓教舊屬耶

馬尼近亦設祿以自主

菴哈爾各凌南界特肖餘界都臨幾阿幅員三百一十八方里戶三

萬二千四百五十四口獨部落俗奉波羅特士頓教舊

屬耶馬尼近亦設祿以自主

耶馬尼分國十五

墨蘭斯溫東界普魯社餘界皆那注地土肥美貿易蕃盛幅員千五百二十方里戶二十萬有九千五百二十七口獨部落俗奉波羅特士頓教舊屬耶馬尼近亦設突支以自主突支駐劄烏爾分母特爾前時突支政事不平部眾離叛嗣更立突支與部眾更始

耶馬尼分國十六二部同處

斯厥先麥循那痲循四面俱界普魯社與斯厥先麥魯那爾司達同屬一區先屬耶馬尼近亦設突支以自主幅員四

百三十二方里戶五萬三千九百三十七口獨部落俗奉波羅特士頓教

耶瑪尼分國十七二部同處

和興蘇蘭喜真人四圍俱界注鼎麥與和興蘇蘭色麻領人同屬一區彈丸小地耳分爲二部先屬耶瑪尼近設勃林士以自主幅員百有八方里戶萬四千八百二十口獨部落俗奉波羅特士頓教

和興蘇蘭色麻領人南界麻領餘俱界注鼎麥幅員三百八十六方里戶三萬五千五百六十口獨部落俗奉波羅特士頓

教昔屬耶馬尼近亦設勃林士自理政事

耶馬尼分國十八

利治丁斯鼎在塞循所屬之依支麻治大山內幅員五十二方里戶五千五百四十六口獨部落俗奉波羅特士頓教先屬耶馬尼後設勃林士以自主其勃林士本歐塞特里國人富為歐羅巴洲之冠

耶馬尼分國十九

注爾特東南俱界希西加斯爾西北俱界威色華里阿山野地也幅員四百五十九方里戶五萬一千八百十七口領小部落二俗奉

波羅特士頓教先屬耶瑪尼後亦設勃林士以自主

耶馬尼分國二十二部

流斯額力司東界塞循西界塞栖阿爾鼎麥南界麻注里阿北界普魯社與流斯色

力司共有蕞爾之地在塞循邊界幅員百六十五方里

戶二萬二千二百五十五口獨部落俗奉波羅特士頓

教先屬耶馬尼後亦設祿以自主

流斯色力司東界塞循西界塞栖阿爾鼎麥南界麻注里阿北界組斯達幅員四百

三十六方里戶五萬二千二百五十五口獨部落俗奉波羅

特士頓教先屬耶馬尼後亦設祿以自主

耶馬尼分國二十一

立比領底那東界哈那注西界威塞花里阿南在哈那

界立比利摩爾北界威塞花里阿

注之南平壤膏沃幅員二百一十二方里戶二萬三千

百十二口獨部落俗奉波羅特士頓教先屬耶馬尼後

設勃林士以自主

立比利摩爾東界哈那注北界立比領底亦在哈那注

那西南俱界威塞花里阿

之南地方多山樹木叢茂幅員四百三十四方里戶六

萬九千六十二口獨部落俗奉波羅特士頓教先屬耶

馬尼後亦設勃林士以自主

耶馬尼分國二十二

漢麥即來粵貿易之勝波利國在耶馬尼之北別屬一

區至耶蘇千年時宋真宗三年耶馬尼王始得其地幅員百

二十八方里戶十二萬三千六百四十八口獨部落俗

奉加特力教及背叛後即自專國設立西匿士二十八

人佐理政事其西匿士由部眾公舉家貲十萬以上者

充之四十年前被佛蘭西侵擾大受殘害近已相安土

產糖商賈雲集

耶馬尼分國二十三

每國圖志卷四十四 大西洋 耶馬尼國

墨里門東界哈那汪餘俱界哈爾鼎麥在威薩河口幅員五十四方里
戶四萬八千四百三十二口有新舊部落舊部衢巷狹
房舍樸新部極華盛俗奉加特力教前設官數人事悉
專斷近日必須會議部眾亦得預議

耶馬尼分國二十四

佛郎弗南界希西覽斯達餘俱界那肖瀕臨緬河北岸佛郎弗部落南
岸沙治先部落有石橋以通行人幅員百有五方里戶
四萬七千八百五十口獨部落俗奉加特力教安分尙
文多藏書籍及精巧器物貿易甚盛歲交易二次

耶馬尼分國二十五

魯密四圍俱界脈幾領麥幅員百十六方里戶四萬六百五十口
獨部落俗奉加特力教先屬耶瑪尼後設突支以自主
貿易亦鉅四十年前被佛蘭西侵擾有墨魯渣拒敵不
勝礮臺被毀嗣得威引那兵來援始得退敵

耶瑪尼國沿革原無今補

職方外紀亞勒瑪尼在拂郎祭之東北南四十五度半
北五十五度半西二十三東四十六度國王不世及乃
其七大屬國之君所共推者或用本國之臣或用列國

之君須請命教皇立之國中設共學十九所其氣候冬
月極冷善造煖室微火溫之遂極煖土人散處各國以
爲兵極忠實可用至死不貳各國護衛宮城或從征他
國親兵皆選此國人充之本國人僅參其半其工作極
精巧制器匪夷所思能于戒指內納一自鳴鐘地多水
澤冰堅後人多于冰上用一種木屐兩足攝之一足立
冰上一足從後擊之乘滑勢一激數丈其行甚速手中
尙不廢常業也又有法蘭哥地人最質直易信行旅過
者輒嘗之客或不答則大喜延入具酒食或爲計緩急

未室者則妻之謂此人已經嘗試可信託也多葡萄善
造酒但沽與他方過客土人滴酒不入口惟飲水而已
卽他國載酒至亦不容入境其屬國名博厄美亞者地
生金掘井恒得金塊有重十餘斤者河底常有金如豆
粒有羅得林日亞國者最侈汰西土宮室多用帷幔障
壁其王有一延客堂四周皆列珊瑚瑯玕交錯儼一屏
障又有一大銃製作極巧二刻之間可連發四十次
海錄亞咩里隔國卽耶馬尼國也在峽山正西由峽山西行約
一月可到土番爲順毛烏鬼性情淳良疆域極大分國

數十各有土王不相統屬總名亞咿里隔即志中所分二十五國也天氣炎熱與南洋諸國同中有一山名沿尼路近年葡萄亞國移都于此舊都命世子監守由沿尼路西行十餘日至彼古達里則為英吉利所轄其餘各國亦多為荷蘭呂宋佛朗機所侵據至此者足多生蟲蝨須常洗剔始已土產五穀鑽石金銅蔗白糖

皇清四裔考乾隆十八年欽天監正劉松齡者熱爾瑪尼亞人其國在博爾都噶爾亞東北五千里其國王不世及或用本國臣或用列國君請命教王立之即所謂意大聖

亞之教皇也各國王即位必得其札付乃立其土人散處各國為兵極忠實

各國護衛宮城皆選此國人充之即所謂耶瑪尼之紅面兵也工作

精巧所屬有法蘭哥地人質直易信多葡萄善造酒常

沾往他處又有屬國名博厄美亞者地生金掘井恆得

金塊有得羅林日亞者最侈汰其王一延客堂四周皆

列珊瑚儼如屏幃由博爾都噶爾亞東北行踰伊西巴

尼亞法蘭得斯拂朗祭乃至其地云

每月統紀傳曰阿里曼國在歐羅巴列國之中間比法蘭西國更廣大而蕃庶但國主不一猶中國昔時之列

海國圖志 卷四十四
國諸王公侯伯等各駐本都分治其邦推廣文藝遍設
學院公學院內所傳之學理有五六科學校各有本校
師學政教授一者訓示正教學習上帝聖書著耶穌之
本源如何由何國而生如何區處際遇令學士專心尋
繹此神善之學先七八年間讀書于府學院嗣後住公
學院三年畢則進考試若考得首則為教師二者例律
學亦滿三年而考考中為各落俗雜職正印升至總職
三者醫學如未經住院三年未經考試者終不許為醫
師四者學習國政凡農事金廠水利江防橋船軍器百

工以及諸國財用進考既中各依本分就祿或掌田畝
百姓或百計經營無所不隸五者雜學凡古所傳天文
地理算術草木禽獸魚蟲之學金石之論萬物性情之
學考中者為府學教授至于諸國之史是凡學士所必
知欲進公學堂先必知二三異國音語凡漢人能通繙
譯者皆得入其內在阿理曼國大公學院之內有學生
一千學正三四十人皆受祿無異官員令各述學問著
書撰文各公學院有靈臺天體儀赤道儀地平經儀像
限儀地平經緯儀璣衡撫辰儀圭表等天文儀別有醫

學院內各科之藝

萬國全圖集日耳曼列國諸侯並興自專權勢與中國周之諸侯不異但有大事則國王特命大臣赴公會中與列國會議國中語音不異所著之書亦同其教門有二卽天主與異端民性好學務藝術并中國之書皆讀悉今將各國列敘其情形焉

一曰東部有山嶺多出水銀硃砂鐵其草場廣大牧馬五萬七千牛二十七萬五千頭羊三十四萬五千頭國中有多惱大河其都城曰味隱居民三十萬丁巧造布

帛國王宮殿最壯而躬親節用與居民如父子往來和濫待人百姓固執天主教最恨妖怪風水之說而好飲食音樂女皆風流秀麗但不守節其耳城居民三萬六千丁其書院內藏書七萬本其近城有一聖處爲國人燒香拜像之所厚奉金銀器物惟僧所誘惑一曰地羅里遍地山嶺居民樸實好獵佛蘭西侵其國時居民奮擊退敵因山地饒瘦往往出遊外方一曰以利亞其南方及亞得亞海隅多山洞谷省會曰來巴居民四萬餘造磁織緞其海口曰得利益每年所進船八千其銀館

本錢甚鉅，國家准其居民盡力務事，不奪其時，又不塞通商之路，故生意甚盛。一曰波希米國，其形如釜，四界山嶺，其中廣谷，產五穀，畜牲鐵銅麻，巧造玻璃器，運賣外國，不勝其數。會城曰巴壹，居民十萬，語音與峩羅斯相似。其學院中士子八百八十三人，務文藝。一曰默隣，在波蘭東，地僻小，出麻及呢布，其阿里木號為堅城。一曰拜馬部，乃南方之地，東連東國，廣袤方圓九萬方里，居民四百萬丁，惟古俗是崇，拘泥不通，現其國君建書院，納士接賢，以開茅塞，屢與佛蘭西國結盟起兵，以

攻日耳曼國之主，此時舊怨已息，國家七千人戶中聽民推一才智之人，赴京會同辦事，產物不多，民造美皮、清玻璃等貨，國都曰門占城，街市秀麗，與各國通市，居民勤力巧藝，故名揚四海。其時辰表初造於此城者，其名曰尼林山，又有城名曰雨山，又曰濠堡，今雖漸衰，尚多織布造器之匠。

一曰威丁山，西連拜國，其居民百六十萬丁，四面山嶺，多出葡萄酒與各佳果，其百姓大半奉事上帝，崇拜耶穌，其見識文學為他國所景仰，其國王駐在突甲都。

海國圖志 卷四十四
威丁之西乃巴丁大侯邦出荳麻葡萄酒山水清美廣
袤方圓萬八千方里居民百二十萬丁國餉二百萬員
都城曰甲利安

一曰撒孫南連拜東等國北界出各項金銀錫雖五百
年開其銀廠未窮盡也古時日耳曼國之寶盡出是山
山內民人乏糧夏時掘礦爲生冬時巡遊作樂北方居
民禮貌和悅樸實不欺羊毳最細可作呢布別造磁器
過于中國其都城曰德停王殿及天主堂與收古蹟之
莊皆美過他國在來責邑每年二次設市各商雲集尤

多諸術書册古本新本萬萬難數每年貿易貨物價銀
三百萬兩撒國西界有多列侯地方昔撒君臨死之際
將其基業分與子等故多褊小之域一曰威密大侯居
民聰明地居納賢以都城爲眾士之集處二曰撒可堡
地方更廣內有牧場出金之山地君之子乃英國女王
之夫也三曰撒黑堡屋居民三萬二千人雖少而有大
臣典軍如大國無異四曰黑堡乃最小地五曰撒買甯
出鹽甚多撒孫國之東北尙有三侯地曰安合又分三
分地雖不多而城邑曼衍其小都中美園叢林山水幽

雅遊觀者不能去北界還有墨林堡兩侯之地平坦出
五畜墨南屬保林帥侯地方圓千里居民二十六萬丁
國餉每年銀二十萬兩又保布達離者係立北兩侯居
民十萬丁互得侯居民六萬丁又大素林兩侯居民六
萬丁由此侯者破魯斯國王室出也又策士兩侯居民
九萬三千丁其最少者乃光石侯居民二萬丁此列侯
雖無權勢卻與列大國聯姻互相唇齒其親叔爲西國
大王亦與之平等往來按日耳曼國例各侯務各出兵
丁與國王合會防邊遇有國敵犯境則合力拒逐但列

邦不守合和之議常有爭端故嘉慶年間爲佛蘭西國
所服歷六年之久於嘉慶十六年各部募兵四萬攻拒
而佛軍始散

一曰漢那耳部在撒丁之西平坦袤延方圓四萬方里
居民百三十七萬丁地大半多沙近水始有腴田牧場
東方山嶺出銀銅鐵白鉛每年價銀六十萬兩不出五
穀而多出蜜國君於康熙五十二年被英國民人奉召
卽位昔與英國唇齒但道光十七年再立新君屢有爭
端其都與國號同名可立延乃大文學院藝術之士於

是興焉。漢那耳西南係墨西列侯地。一曰墨西加西耳。袤延方圓萬三千方里。居民七十萬丁。所起官兵萬八千名。山出銀鐵銅。一曰黑西但邑。方圓二千三百里。居民七十六萬丁。出葡萄酒麻烟等。內地城邑最大堅固者。乃馬因。礮臺周繞。每拒退三萬之敵。又那埽侯地。爲列君所分者。昔曾乘機驅逐荷蘭所駐強兵。可謂忠勇。出葡萄酒與各項果實。不勝其數。其居民多富。又阿丁堡地在濱海。地瘠。然海口通商故地。僅三百四十八里。而有居民二十五萬五千。每年收銀餉二十萬兩。在

日耳曼國內。尙有自主之城邑。不服國王。各自通商。設官以掌其政。一曰漢堡。在易北河口。係各國之易市。眾商雲集。其船隻亦赴中國經商。於道光二十二年。其城大半焚燬。居民十二萬丁。所進出貨價銀四千二百九十有餘兩。一曰北憫城。居民四萬二千丁。在威悉河濱。其船亦赴廣東通商。一曰利北邑。居民二萬四千丁。雖古城。然生意微小。一曰佛卽渡。乃最古城。形在河邊。爲各侯之公使會集。內有列國駐防之軍。每年開大市。四方輻輳。

海國圖志卷四十五
其地江河最長者來因河由南至北在日耳曼國之西
出荷蘭國入海如漢人之黃河也河濱活壤產葡萄有
名沿河多古蹟奇峰游客皆圖畫之又多惱江在國中
橫流如帶其北方則易北等河也國中居民因分服列
君風俗殊異北方居民精神強健最好學南方東方之
民好繁飲食西南之民勞苦度生其民往來不睦常有
爭事

海國圖志卷四十五

邵陽魏源重輯

耶馬尼下

地球圖說亞利曼諸小國亦習中國文字善文武諸巧
藝工吹彈唱其英吉利女王之夫亦是國人也昔本大
國今已分列阿士氏拉與波路西亞二國外此又分裂
許多小國又別有四城悉皆自主但有大事則分議協
辦勿得自專地勢北方低陷中央與南方皆山土產五
穀葡萄酒丹參煤炭銀銅錫磁器玻璃羊毛布鐘表

地里備考曰亞里曼國又名曰爾馬尼亞在歐羅巴州之中其國土自北極出地四十五度三分起至五十五度止經線自東二度三十分起至十八度止東至不魯西亞奧斯的里波羅尼加拉哥維四國西連佛蘭西賀蘭北爾日加三國南接蘇益薩意大里二國暨地中海北界北海與州中海低那馬爾加國長約二千四百里寬約二千二百里地面積方約三十三萬六千里煙戶一京三兆九億口本國除北方各地或坦夷平陽或荒砂澤隰外其餘三方岡陵絡繹河之至長者九湖之至

大者十二地氣懸殊中央東方皆尚溫和西北嚴寒潮溼煙瘴南方則稍和暖峻嶺登眺舒暢宜人五穀百果花卉鳥獸甚蕃土產五金及各色寶石黑白礬硝磺礪砂磁粉等至于國主或王公攝理或設官宰治變易不一所奉教有三一羅馬天主教一路得羅修教一加爾威諾修教國人奉羅馬天主教者十分之七奉路得羅修教者五分之一奉加爾威諾修教者為數無幾技藝精良商賈雲集緣本國昔多客民寄寓每遇戰鬪糾合相禦戰後仍分歸各部中間為羅馬國征服唐德

宗貞元中又爲佛蘭西國所取梁太祖乾化元年亞里曼國人始推立官拉多爲君自爲一國然君非世襲由黎庶公立每有各部豪酋以勢力軍威自立爲君紛紛滋亂明英宗正統三年爲奧地里加國所據始定世代相傳迨嘉慶十一年佛蘭西國君那波良者旣攻入奧大利亞國卽更易前制另立結盟章程再越八載當歐羅巴州軍興旁午之際各國公使會集于維耶納地議定亞里曼諸國各守疆界互相結盟由此分爲眾小國三十六今則與奧地里加布魯西賀蘭大尼四國會同

結盟共爲四十盟國一切政事會議辦理每國各派公使一員齊集于佛郎哥佛爾的地方而奧地里加國之公使恆爲會議首領再亞里曼國之軍有二者之分一則額設兵丁一則接應兵丁道光二年公同會議凡結盟之國各按人數多寡出兵若干以備守禦每百人出額兵一名每二百人出接應兵丁一名彼此聯絡互相保護軍分十二隊隊則多寡不同通共約有兵丁三十萬零三千四百餘名其統領之元帥乃各國會議推舉者也盡係陸營並無水師

其一巴威耶拉國長一千一百四十里寬八百四十里
地面積方四萬零四百里煙戶四百零七萬口應出兵
丁三萬五千六百名地居南方王位歷代傳男
其二瓦爾敦巴國長五百里寬三百六十里地面積方
九千六百里煙戶一百五十二萬口應出兵丁一萬三
千九百五十五名地居南方王位歷代傳男
其三亞諾威爾國長八百七十里寬五百四十里地面
積方一萬九千一百六十里煙戶一百五十五萬口應
出兵丁一萬三千零五十四名地居北方王位歷代傳

男

其四薩克索尼國長五百里寬三百里地面積方九千
三百八十里煙戶一百四十萬口應出兵丁一萬二千
名地居中央王位歷代傳男

其五巴敦國長七百里寬三百四十里地面積方七千
五百四十里煙戶一百一十三萬口應出兵丁一萬名
地居南方公爵世襲

其六挨塞國長三百二十里寬二百里地面積方五千
三百五十里煙戶七十萬口應出兵丁六千一百九十

五名地居中央公爵世襲男女皆得臨御惟以長幼爲序

其七加塞爾國長四百里寬二百五十里地面積方五千六百六十里煙戶五十九萬二千口應出兵丁五千六百七十九名地居中央公爵世襲未滿十八歲不得卽位或母后或至戚暫爲居攝俟其成立然後反版其八威馬爾國土地版圖迫近鄰國或四面環繞或兩相間攝以致四散距隔彼此不相聯屬故不能定其長寬里數總計地面積方約有一千八百二十里煙戶二

十二萬二千口應出兵丁二千一百名地居中央公爵世襲

其九厄斯乖零國長四百里寬二百八十里地面積方六千四百六十里煙戶四十三萬一千口應出兵丁三千五百八十名地居北方公爵世襲

其十厄斯德勒利地斯國長一百八十里寬一百里地面積方九百九十里煙戶七萬七千口應出兵丁七百十七名地居北方公爵世襲

其十一美塞內英國約數十里爵如伯戶二萬一千公

會應出兵二百，都城曰烘不爾厄。

其十二那搔國，長二百二十里，寬一百五十里，地面積方二千七百九十里，煙戶三十三萬七千口，應出兵丁三千名，地居中央，公爵世襲。

其十三布倫瑞克國，地不相連，或在布魯西亞國之內，或在亞諾威爾國之內，總計地面積方約有一千九百六十里，煙戶二十四萬二千口，應出兵丁二千名，地居北方，公爵世襲。

其十四薩克撒各布爾厄額達國，地不連屬，錯落別國

疆域之中，總計地面積方約有二千二百里，煙戶十四萬五千口，應出兵丁一千三百九十四名，地居中央，公爵世襲。

其十五薩克撒梅甯認國，長五百里，寬一百二十里，地面積方一千二百里，煙戶十三萬口，應出兵丁一千二百六十八名，地居中央，公爵世襲。

其十六亞爾敦布爾厄國，乃合三處共一國，總計地面積方約六百九十里，煙戶十萬零七千口，應出兵丁一千零二十六名，地居中央，公爵世襲。

其十七德搔國地不相聯錯落別國疆域之中總計地面積方約有四百六十里煙戶五萬六千口應出兵丁五百二十九名地居北方公爵世襲

其十八伯爾尼布國土地版圖錯落布魯西亞國疆域之中分上下二處總計地面積方約有四百三十里煙戶三萬八千口應出兵丁三百七十名地居北方公爵世襲

其十九略敦國地不相聯分爲四幅二在黑里巴河之左二在黑里巴河之右總計地面積方約有四百里煙

戶三萬四千口應出兵丁三百二十四名地居北方公爵世襲

其二十略勒斯國長七十里寬五十里地面積方一百九十里煙戶二萬五千口應出兵丁二百名地居中央侯爵世襲

其二十一意士給利斯國原與羅奔斯的音同爲一國道光五年分而爲二本國地面積方約有二百七十里煙戶三萬口應出兵丁二百八十名地居中央侯爵世襲

其二十二羅奔斯的音國自分域之後地面積方約有三百二十里煙戶二萬七千五百口應出兵丁二百六十名地居中央侯爵世襲

其二十三厄盧德耳斯達國長九十里寬七十里地面積方五百七十里煙戶五萬七千口應出兵丁五百三十九名地居中央侯爵世襲

其二十四厄孫德耳沙森國長一百二十里寬六十里地面積方四百九十里煙戶四萬八千口應出兵丁四百五十一名侯爵世襲

其二十五德的摩爾國長一百二十里寬一百里地面積方五百七十里煙戶七萬六千口應出兵丁六百九十一名地居北方侯爵世襲

其二十六饒問布爾厄國長八十里寬三十里地面積方二百七十里煙戶二萬六千口應出兵丁二百四十名地居北方侯爵世襲

其二十七瓦爾德各國長百二十里寬八十里地面積方六百里煙戶五萬四千口應出兵丁五百十八名地居中央侯爵世襲

海國圖志 卷四十五
其二十八昔麻認國長一百二十里寬七十里地面積
方五百五十里煙戶三萬八千口應出兵丁三百五十
六名地居南方侯爵世襲
其二十九挨深認國長八十里寬三十里地面積方一
百五十里煙戶一萬五千口應出兵丁一百四十五名
地居南方侯爵世襲
其三十列支敦土敦國長六十里寬三十里地面積方
一百八十里煙戶六千口應出兵丁五十五名地居南
方侯爵世襲

其三十一挨塞烘布爾厄國分爲二區一名烘不爾厄
一名美塞內英不相聯絡總計地面積方約有一百八
十里煙戶二萬一千口應出兵丁二百名地居中央伯
爵世襲按美塞內英
重見存參

其三十二弗郎克佛爾的國地不相聯總計地面積方
約有一百四十里煙戶五萬四千口應出兵丁四百七
十五名地居中央不設君位民間自推官長八十五員
理事

其三十三布來每國四方境土皆爲亞諾威爾國環繞

地面積方約一百里煙戶五萬口應出兵丁四百八十五名地居北方不設君位黎庶自立官長治事
其三十四昂布爾厄國地不相聯總計地面積方約有一百七十里煙戶十四萬八千口應出兵丁二百九十八名地居北方不設君位民間自立官長理事
其三十五盧卑各國地不相聯總計地面積方約有一百五十里煙戶四萬六千口應出兵丁四百零六名地居北方不設君位庶民自立官長治事
其三十六尼發深國四方境土皆在科爾敦布爾厄環

繞總計地面積方約有十二里煙戶二千八百五十九口應出兵丁二十八名地居北方不設君位庶民自立官長以治事

各國內通商衝繁之地海邊大馬頭四處內地大埠九處

外國史略曰日耳曼蠻族也其疆爲東國陂路斯兩國據其大半然尙有小國屬日耳曼者風俗話音均同其俗身體高大髮黃眼藍耐冷不耐熱畏渴好戰善牧牲畜喜射獵不農不工付之奴婢女習勞苦男反安坐熊

皮飲酒賭博產業蕩盡則自賣爲奴勇者爲頭目然國有危難不避死亡婦女亦勇於赴敵男女恥苟合將戰則公揮首領歡呼賀之戰息復舊不相統屬以日月山嶺爲神而崇敬之戰必先禱以詛敵漢武帝元光年侵羅馬爲羅馬所敗漢哀帝時羅馬築城于來尼河以備侵日耳曼日耳曼或降或亡其後復糾合種類力攻羅馬國幾及四百年是時中國交界之匈奴等游牧于其郊盡驅日耳曼種類遷於他國散處佛蘭西英吉利是班牙亞非利加各海邊宋元徽間羅馬都陷日耳曼之

民萃焉蓋歐羅巴之民半係日耳曼之族在本國者無幾尚守古教而猛性常存散處佛蘭西者已進天主教唐元和八年日耳曼之裔復在佛國潛起募兵自成一國沒後諸子各分其地而路得威號第一王於唐武宗會昌年間創立國基始有日耳曼之號羅馬國廢日耳曼之君仍其名號雖各部皆有本酋五爵操權而國王能得民心自強政治以彈壓其下但與羅馬教皇積釁因募兵前住意大利國又欲據猶太國救世主所葬之墓自領大軍與回族死戰壯民多亡其教主遂乘勢

弄權南宋咸淳七年有賢君出立新例令百姓遷善雖
向爲盜竊者俱許爲良民否則殺無赦明永樂年間國
君復集會各教主辨論名聞海外後國分爲十部各部
皆有君爵正德十四年是班亞君卽位使使來脅從天
主新教禁止耶蘇本教日耳曼百姓不從萬歷四十五
年老教新教之民互相攻伐三十年不息兵火之餘遍
地荒蕪而瑞丁佛蘭西是班亞三國又來侵伐日耳曼
君乃盟國人於郊外令兩教之人任意拜上帝救主耶
蘇外求成于三國時順治四年也後日國又屢與佛蘭

西土耳其兩國肇衅其東國之君本日耳曼舊所兼攝
其君歿後無嗣各國相爭以分其地其國王女內招百
姓爲國家出力外與意大利國和親遂獲勝國乃定當
佛蘭西國大變日耳曼民欲匡救其災卒爲所敗嘉慶
十年日耳曼國奉事佛蘭西佛君盡變其國政又創立
他姓以主其國嘉慶十七年國人逐之各部相結自爲
一國隨時會商國事遂爲海外不侵不叛之邦。日耳
曼地內有東國並陂路斯所屬之地方圓萬一千四百
三十八方里居民四千萬國內有王四位大侯八位侯

海國圖志 卷四十三
九位小酋十一位別有城四座事皆自主各邦如之計
三十八處與中國之土司無異二十五年之內居民增
至千萬丁其國南連意大利瑞丁等國北及州中海大
尼國巴得海隅東及峩羅斯東國西連佛蘭西南方有
高山北地悉平坦其最長之河曰來尼河由瑞士國流
出北向最爲廣大由日耳曼國過荷蘭入北海多惱河
由西流東向阿得河在陂路斯國伏流地中入巴得海
隅益北江西流入北海其北方最高之峰三百五十丈
南方之山高千二百丈天氣冷多松中央天氣溫熱多

橡多羊西方產葡萄最美北方產牛馬新闢運河甚長
其水道高於海百二十八丈費銀四百八十六萬圓北
方居民聰明有膽略英國原民悉由此去其語音爲西
洋之官話若荷蘭瑞丁大尼並英吉利之話皆如之凡
各國所未見之書惟日耳曼人能讀之百姓共三分一
曰上下五爵一曰良民一曰農夫上爵之中有公侯受
地者也居民崇耶蘇本教者千六百萬其餘崇天主教
教者二十五萬皆猶太人也
在南方有邑一千零八所
北方之邑千三百一十一所○除東國陂路斯國各據

之地所有日耳曼列盟會各國共計方圓四千五百里居民千六百五十六萬八千農務興焉出五穀善牧畜羊之多甲於他國馬牛豕次之林廣而密多木料運出者由撒孫山來有銀礦每年價約八十九萬六千圓金礦每年約四萬二千七十觔銀二百二十九萬六千圓亦出銅白鉛鐵錫日耳曼國多儒敬教勸學爲西方之最今將列國地方列于左

一拜馬列國於陳朝文帝年間進天主教後地益廣與佛國合南宋淳熙間始立君爲其國始祖累世執天主教與東國結盟且欲滅老教近日與佛蘭西約和以擊東國背前好焉由是爲日耳曼列國之害佛蘭西那破里穩王時封拜馬之君爲王益以地自嘉慶九年後拜馬遂爲日耳曼內大國執天主教然其君愛民勤政有名海外計公帑銀千六百二萬一千三百圓公費千五百三十七萬五千三百圓存庫者八十二萬六千圓國之欠項七千四百七十七萬圓其地廣袤千三百九十八里居民四百四十一萬近河之地多豐近山之地多磽多惱河巨其間買尼江濱葡萄所產也多野獸

海國圖志 卷四十五
產卑酒外國人好飲之產五穀麻煙作各項玩器而不能造布匹絲緞國分八郡二百三十一邑都城曰閔金宮殿炫耀亦設肄業院各士雲集尼林山係古城居民四萬六千九百口大半執正教奧布古邑居民三萬威得布居民二萬六千已埽居民一萬林布居民二萬二千班山居民二萬弗地居民萬五千多猶太人各處設大學院三間中院七間小院十八間公學五千零五十一間百姓頗聰明國事悉聽鄉紳會議君惟拱手而已國中二十歲者多爲兵計三萬五千丁

一威丁山列國在拜馬之西亦古地也其君悉本諸侯不以國務爲重故兵疊侵之嘉慶九年其君與佛君波那穩王盟封爲王實爲佛國附庸然頗藉佛蘭西權勢鄉紳會議聽其號令其山最高之峰二百二十丈產銅鐵微有銀林多松各木料皆浮來尼河以至荷蘭國耕地在多惱河下五穀不甚豐人稠地狹田園不足於耕是以民多就食於外其地廣袤二百六十二里居民百六十八萬每年入公帑銀千六百零五萬圓出千六百三萬四千圓存留萬五千五百圓國之欠項千二百六

十六萬四千圓邑百三十二座居民百八萬七千名崇
天主教民樸實勤勞卽移居他處亦善積財百姓運
出木料五穀牲畜煙油絲布麻布價值八百萬圓田產
之價約一萬萬圓牲畜千五百萬隻學館多在大學院
有從外國來學者其國都曰突押居民三萬八千烏林
居民萬四千六百律嶺居民萬一千五百國有六大臣
俱不得自專惟聽五爵鄉紳定議每三年一次集會以
商國事

一撒孫列國在日耳曼中央齊朝年間其國日強屢降

他國常駕小舟駛至英國據其民海外畏之唐時佛蘭
西大甲利王募兵伐之大勝強令奉天主教百姓與佛
國人習久聲音俱同始知農務遂闢荒地建鄉邑土田
豐盛其君遂于日耳曼之間創國居民頗聰明明成化
十七年有賢士曰路得幼習耶穌教貧乏不能自存及
冠得聖書遂棄俗入道伏處三年虔禱耶穌後才思日
進以其道爲教師遂赴羅馬國與教皇議論旋國後遂
宣言教皇之謬切勸各國去教皇異端值新君踐位召
路得詢其教本末路得遂將聖書繙譯日耳曼語令民

讀之，乃興崇正道，於是路得之名揚海外，羅馬教皇之徒憾之，日耳曼各國之中，以撒孫國君爲正教之首，第國分則勢微，康熙間，撒孫君仍崇天主教，受王爵，國於波蘭地，自此兩國結讐，與瑞丁等國戰多年，撒孫遂受佛蘭西君、波那里穩王之封，使募各屬國兵，與波蘭合，迨波那里穩王敗後，撒孫國遂將其地讓給波路斯國，國地日蹙，廣袤僅二百七十二里，居民百七十二萬，國帑每年收五百萬圓，費用銀四百九十七萬圓，缺銀九萬八千五百圓，國之欠項銀千一百一十七萬圓，南

方多山，益比河出焉，廣約百丈，地雖不甚豐，其民能竭力，故物產亦盛，田萬一千頃，松林八千頃，葡萄八十頃，羊毛極細，所製造者，每年約二百萬圓，河內產珍珠，礦價每年約銀百五十萬圓，所造之洋青價約三十萬圓，多運至中國，黃銅約六千石，黃銅線約二千石，馬口鐵湯匙，每年約三百六十萬件，造各項磁器者六萬人，磁器之妙，甲于海外，織匠二千五百名，織大彩緞麻布，每年約值三百萬圓，大呢甚細，出花布，大小學院不勝數，女多美色，男帶歡容，皆樸實端正，國分四部，其都城曰

得信居民八萬口其大埠在益比河又立悉邑居民五萬口學士千二百名四方商旅雲集金匿邑居民二萬二千工製造非山邑諸民萬二千口多事礦務○王操大權有要務則五爵士民會議而後行軍士一萬三千七百丁

一漢那爾列國北及北海西連荷蘭東南界陂路斯國民性勇與日耳曼多肇釁康熙四十八年屢與佛蘭西國交戰後爲佛君所據未幾還其地部落四散無統屬道光十七年英國王之亞弟君其國兩國分矣此地廣

袤六百九十四里居民男八十五萬女八十六萬國幣所入每年約六百五十六萬圓所出五百五十八萬圓國之欠項千七百三十一萬八千圓存庫項九十八萬圓其地大半沙漠獨河邊豐田西方有山出礦銀銅白鉛等每年價不上二十萬圓民務農通商頗聰明設學院崇耶蘇本教其都城居民二萬九千額丁音居民萬二千內多文士呂尼部居民萬一千軍士萬九千歐羅巴各國惟日耳曼國四分五裂各自稱王立國亦有未受王號而專制一方者隨在有之威丁山之西與

佛蘭西交界之巴丁部廣袤方圓二百七十六里居民
百二十九萬歲入帑銀四百五十九萬二千圓所出銀
四百五十三萬八千圓庫内存留銀五萬四千圓地瀕
來尼河山水大佳夏月異國來遊覽者車馬不絕產葡
萄栗杏桃等居民造自鳴鐘每年十萬件造金銀玩物
甲于海外其都曰甲利安城居民二萬三千五百曼林
城居民二萬害得山城居民萬三千五百設肄業院耶
穌正教之士爭赴之○黑信國在日耳曼中廣袤方圓
百八十二里居民七十四萬七千四百口其地分四部

歲入帑三百六萬五百圓出帑三百二十五萬八千二
百圓缺十八萬七千七百圓國之欠項百二十六萬圓
其都城曰加悉○黑信所屬侯地廣袤方圓百五十三
里居民八十一萬九千六百口入公帑銀三百九十萬
圓所出如之國之欠項二百一十一萬圓地分十一郡擔
城居民二萬九千口國都在焉買匿城最堅固居民四
萬五千口○阿丁布部在日耳曼之西與荷蘭交界廣
袤百一十四里居民二十七萬三千地大半沙漠鮮物
產每年入公帑銀八十五萬圓所用如之○鹿信布部

本荷蘭地廣袤八十九里居民三十八萬九千地豐盛
○默林布治林部在巴得海隅廣袤二百八十八里居
民四十九萬口每年入國帑銀百三十五萬圓所出如
之國之欠項五百五十萬圓其地多沙漠產五穀通貿
易○默林布土地勒部廣袤方圓四十九里居民八十
九萬六千口每年入公帑銀三十八萬八千五百圓所
費如之此沙漠之地土產微○撒孫圍馬部在日耳曼
中間廣袤六十七里居民二十五萬國帑銀五十五萬
五千圓所出之費六十萬圓缺四萬五千圓公欠項三

百四十萬六千圓居民最聰明其土君好學能納賢敬
士○右所言皆大侯之地另有小酋地列于左合石老
布部廣袤方圓百八十六里居民四十九萬七千口每
年入公帑百三十七萬圓所出如之○那掃部廣袤八
十七里居民三十九萬七千口每年入公帑銀一百零
三萬四千圓所出如之國之欠項百七十萬圓此最美
之土產嘉果及各美物○報寧衰地廣袤方圓六十九
里居民二十五萬六千口入公帑百四十三萬八千圓
國之欠項六百九十三萬九千圓上上邑也出礦民樸

海國圖志 卷四十五
實。○撒孫買寧地四十三里，居民十五萬口。○撒孫哥布地三十四里，居民十四萬。○撒孫亞丁布地二十四里，居民十二萬。此二地在日耳曼中，居民繁多，勤勞營生，執正教。○安哈第埽地十五里，居民六萬二千。○安哈賓布地十四里，居民四萬七千。○安哈哥丁地十二里，居民四萬。○又有五爵之地，瓦得地二十二里，立比地二十二里，悉馬林地十七里，路突城地十六里，孫得好地十五里，來西地十五里，少布地七里，古來西地六里。○希西地五里，黑幸地四里。○光石地三里，皆微小不

足比數。○另有通商各城邑，能自操權，不服王化者，如含布城，在日耳曼西北，距益比河不遠，列市通商，爲日耳曼莫大之交易，日漸興旺，其居民善積財帛，與各地貿易，一年所進船約三千隻，三年前，其邑災，殿閣宮室皆火，今復建，比前更美，所屬地七里，居民十五萬，每年入公帑銀二百四十七萬圓，所出者二百五十八萬圓，欠公項銀千二百萬圓。○北閔城，在威悉河，亦通商，亦到中國貿易，居民六萬五千，每年入公帑銀六十萬八千圓，出五十九萬七千圓，存銀萬一千圓，欠項銀二百

海國圖志 卷四十五
三萬圓。○呂必古城地，生意甚微，居民五萬，入公帑銀二十九萬圓，出銀二十八萬圓，存銀萬九千三百圓，欠公項銀百二十四萬圓。○凡弗亦大邑也，在買尼沿河，爲最要之地，居民六萬五千，日耳曼各君調兵護守，亦派公使會統辦各國之事。○以上日耳曼各地在海外各國，未有分裂如此之多者，國小而迫，各私其地，自日耳曼被鄰國所侵，國內諸侯多與敵爲奸，往往召外盜，久之各自爲主，且在各國界立關收餉，大礙通商，近日陂路斯國因約其列君除內地之關，只在交界納餉，由

是通商始盛，所用之絛花至二十五萬石，線紗四十萬石，絲緞綢等貨所運入者四千四百石，運出者八千九百石，所運出之麻布價三百八十九萬圓，統計運入之貨實過於運出，餉亦綦重，君民均獲益焉。道光二十年，所進陂路斯等國之船共六千隻，所出者五千九百隻，此足以知日耳曼之通商廣大，各國雖散處，而各海島頗懷聯絡，各擇賢士以議各國之事，若有戰陣，各地募兵合爲一軍，以俟防禦，共兵三十萬三千五百，此內步兵二十二萬八千餘，騎兵四萬餘，炮手二萬餘，炮五百

海國圖志 卷四十五
七十六門各國境與佛蘭西相向之地築三堅城列國之軍士相為護守

瀛環志略曰日耳曼界內江河最長者為萊因河自南而北轉西至噠國界入西海河濱土脈腴潤產蒲桃最良沿河多名山古蹟多惱河亦大水在界內橫流如帶北方則易北河其名水也北方之民多強健淳良好學術南方奢侈醉飽無遠圖西南一帶勤苦謀生力作不倦界內列侯皆大小國婚媾往來用敵體禮會盟雖眾蠻觸不免遇大敵而心力不齊難於制勝幸維也納歐

盟之後佛郎西止戈保境未發難端或亦恐眾怒之難犯也

